

兩  
浙  
輶  
軒  
錄

兩浙輶軒錄卷十九目

楊正講 張思問 沈懋華 徐以升 金昌世

鄭世元 江作楫 張以璫 查克念 程開業

許勉燉 丁翊壽 梁啟心 梁詩正 胡彥昇

徐廷槐 余懋棟 張爲儀 章楹 范從律

陶愈隆 何熊 沈榮簡 沈無咎 黃輅

蔡軾 萬承勳 方啟英 正宇清 王炳

張元彪 嚴敬煜 汪紹焄 葉之淇 葉之溶

曹庭棟 張安絃 徐毅生 姚世鈞 姚世簡

屠庶 余崢 俞永思 陳梓 鄔希文

張有涵 許瘳 翁運標 何玉梁 陸汝欽

夏兆豐 胡師亮 戚振鷺 許道基 孫灝

陸峻 林玉藻 沈廷薦 張南英 陸嘉穎

楊式玉 陳世倌 沈維基 俞棠 俞班荀

周逢吉 俞鴻發 俞元任 鮑廷堅 王起鵬

陳敦讓 姚世鑑 周雲 蔡朱鴻 許旦評

戴清 胡龍友 孫松 姚炳 嚴垣

汪士桂 薛國秀 金惠慶 顧玉 許宏祚

顧士敏 陸名輔 龔培學 程濬 邱峻

吳邦頌

兩浙輶軒錄卷十九

督學使者阮元

楊正講

字戒浮海寧人雍正癸卯舉人官內閣中書著式微吟

俞寶華曰楊正講為詩清峭拔俗好使酒罵坐遇貴人輒不合稱其尤者為消寒集

安肅道中與周道夫小憩

短轅暫頓小橋西  
蘸水垂楊綠乍齊  
春半人家無雁過  
秋千院落有鸛啼  
馬驕玉鼻穿芳陌  
草合裙裾上小隄  
眼看韶華堪未得  
餘生空似舊中雞

秋夜

貧難支客邸  
老易怯秋天  
風靜月亭午  
夜深人未眠  
思家空復爾  
顧影獨淒然  
愁絕南飛雁  
聲聲落枕邊

張思問

字去疑號雪煩海寧人雍正癸卯舉人官國子監學錄著虛生近草北軒存業息真弱業

俞實華曰張思問為侍御曾裕子官學錄以

母病乞歸親侍湯藥十餘年母終遂不出

題馬文毅公彙草辨疑公名雄鎮廣西巡撫死逆藩之亂彙草辨疑者其獄中所附晉

唐紳書也旁注小楷出姬人顧氏之筆

物眾應知長葉芽百年父老欺蟲沙結縷自分遭殄突彙艸  
猶傳山瓦置慷慨墨池通舞劍沈瀾翠袖解簪花英魂好逐  
遙天雁銅鼓山頭寫莫霞

題天津查氏七烈傳後

碧華無分託春風豺虎縱橫燕雀空從說亂流身是葉却看  
匹練氣如虹鬢雲早結慈閨願妖夢徒徵閨苑通撒手懸厓  
同一笑死綏還仗綺羅

沈懋華字芝岡太倉籍歸安人

沈德潛曰侍御詩意主藹含不欲說盡唐宋之分斷斷如也晚歸佛氏教不復作詩

陳焯曰懋華以輪進經史被吏議候改部曹不樂就遂引歸

### 泰和道中

行于易時序但嗟江路難孤帆轉天際遙出青林端山勢落空翠濤聲生夜寒鄉書猶未達雲海正漫漫

### 渡江

路盡鳥飛外微茫一葉舟月斜江岸曉潮落海門秋山樹南朝寺鐘聲北固樓寄奴城外草隱隱入邊愁

### 秋夜東湖玩月

洞庭木脫渺愁余倚欄寒流挹望舒笛裏關山清夜怨鏡中樓閣美人居天高風轉依枝鵲川靜波騰縱壑魚直是乘槎度銀漢都看白露下前除

### 峽江

浮雲渺吳會數上日清江行鄉國夢千里子規啼數聲人言

峽中路南下五羊城流水去復返空嗟華髮生

徐以升

字階五號恕齋德清人元正孫雍正癸卯進士歷官江西按察使著南陔堂集

湖州府志以升官御史時疏陳水利議區田法成本經術出為江西按察使發奸摘伏人多憚之尋改廣東解

組歸生平和易坦率處華縣無異寒素

隨園詩話湖州徐階五先生贈沈椒園詩云詩派同初白官情共救紅以沈乃初白先生外孫故也

關山月

大旗霞捲夕陽殘旋見邊城湧玉盤鼓角無聲霜氣肅山河

流影鏡光寒白頭漢將占星立紅淚胡姬倚馬看淨掃烟塵

天關迴清輝多處識長安

金昌世

字枚臣號守谷山陰人雍正癸丑進士官清河知縣著八塢樓詩集

雲樓集小序先生閉門却掃頗懶應酬惟童君璞岩投以詩欣然輒和且必得佳句先生嘗曰非吾詩佳乃與

吾璞菴作佳也一日老友沈君南塘過之曰此昌黎之  
逐東野耳先生謝不敏而心契沈君之爲此美談也因  
用韓子語  
以誌斯集

### 贈羅易門同年

駘蕩鶯花九十春  
相看直是兩閒人  
了無色相休回首  
爲有湖山早乞身  
挂壁劍餘三尺水  
閉門書校一牀塵  
劇知老境能恬澹  
緩步時時岸角巾

### 懷胡稚威

野水春風改歲華  
新詞贈我木蘭花  
乍違越嶠吟詩侶  
長醉胡姬貰酒家  
無計得歸騎欵段  
有人相對撥琵琶  
北書欲寄何由寄  
殘雪西牕一雁斜

### 偕趙備五劉一枝遊王氏裴園

一春長閉戶  
忽忽誤幽尋  
自笑看花眼  
終成好事心  
煙霞新



伴侶魚鳥舊園林步履能相訪寔然空谷音

鄭世元

字亦亭一字黛參號耕餘餘姚人嘉

紹興府志元幼穎異博綜羣籍一發之於詩思

沈格老論者謂得少陵家數以子虎文貴封翰林

山居詩話耕餘贈周敬詩人皆欲殺今之白我醉須埋

昔者伶可稱絕對又詩云古人不死吾猶在秋氣無

情物亦生荷全始信談何易餓死今知事最難皆可傳

若擊門鄰借村農具出巷人從寫藥方諸子盡能划短

柴兩醫時其生中船則純乎誠齋矣耕餘亦有學宋

人處却下華老辣如于今負背多芒刺以後甜頭望蔗

類畢竟與宋人不同也若樹底暖鶯初調舌名

中寒食最銷魂則晚唐高調元人所不能仿矣

諸錦曰鄭詩汪洋汗漫若無端倪細按之元本大山

香山旅人憂患之餘頗見至性世以酒徒目之非也

出門別妻子

在家不知好出門使心悲嬌女繞我膝小兒挽我衣似亦解  
離別却去還復來惟此不忍割令我殊依依昨日適南市思

買繒綺歸綺要機中織蠶婦方縑絲將絲撚作線成衣知幾  
時我老待兒養搗焉摧心脾

官賑謠

黃鬚大吏駿馬肥朱旗前導來振饑饉民腹未飽城中二月  
擾饑民一簞粥吏胥兩石穀我

皇聖德仁蒼生官吏慎勿張虛聲

燕

日暮差池影穿花故故頻與君同在客是處可憐春弋者無  
余慕天涯戀主貧清明滿桃李蝴蝶過東鄰

母抱兒

母抱兒兒在懷中啼我兒且勿啼村中榆樹剝盡皮三日不  
食氣一絲那得有乳哺汝飢抱兒出門去負兒行道周不知

東西與南北仰面乞食低面羞行人來往各恹恹嗚呼誰能  
掄汝母子命

渡揚子

忽聞澎湃聲大江又當面十年不來遊如與故人見江光只  
如昔我老顏色變西日沒復升東流去不轉逝者如斯夫來  
者亦可鑒南瞻建康城北瞰山陽縣當時英雄人千載一過  
電胡爲尙役役臨衰感貧賤

新柳

善和坊裏信如何蘸綠揉藍動玉河禁得輕寒一百六倦扶  
頭起爲春多

碧於春水淡於烟撻就鵝黃二月天最是揚州舊時夢十年  
愁煞杜樊川

客舍心情費忖量江干一曲女兒箱羨他絕不關閒事幾箇

### 漁舟弄夕陽

江作楫

字汝舟號警堂歙縣人金華籍雍正癸卯舉人官天台教諭著鳴秋草

杭世駿鳴秋草序略曰江君警堂純修績學所居輒化位不稱德用儒官終鄉之人將以配社門人沐其遺教尸祝至今遺詩滿篋述祖德語見弟仁聲義色讀未卒業孝弟之心油然而自生

### 中秋次泰安州望嶽

灝氣橫空黛色秋解鞍問月泰安州分明雲嶽起方寸指點  
東皇在上頭縹緲秦碑何處見槎枒漢柏幾枝畱羽翰便欲  
乘虛去觀海峯頭說快遊

### 法華晨起卽事次張鼎若韻

自來山寺覺山空況是晨光動曉風林氣已開千嶂紫禪堂  
猶見一燈紅鐘催別院春雲確茗試新泉引水筒此地清幽

人跡少先生吟賞與誰同

張以瑀

字次玉浦江人雍正癸丑進士官衢州知州著華麓詩集四卷

樓上層曰張次玉成進士授都目令陞知昌平州調霸州

寄程五舉

開業

山陽尚有舊瓜廬便賦歸來計未疎  
風綻桂枝含馥處雨添梧葉展陰初  
且乘此後長閒日補讀從前未見書  
試問平生頻束帶當筵儘好品熊魚

雪舟詩有秉鐸還存采藥心之句賦此以寄

非為冷官催上道偶因采藥向天台  
山中漫酒饒靈藥好覓

當歸遠寄來

查克念

字惟聖號雙峰海寧人慎行子雍正甲辰舉人著雙峰詩鈔六卷

查氏家傳畧曰克念由府學舉人雍正甲辰舉人著史漢識小錄八卷讀書錄十二卷俱散失卒年四十八

大兄自刑曹乞假去秋附漕艘南歸凍阻開河今傳已

抵京口詩以迎之

別夢依長枕回頭忽四年難留惟歲月易得是林泉人似將

巢燕官如已蛻蟬故應詩滿篋並羨兩神仙時與陳梅溪侍

程開業字敬一一字五舉永康人雍正甲辰進士

程兆選字行狀署曰府君以雍正甲辰成進士授戶部貴

州司主事陞本司郎中題御史以疾不就出知濟南府

擢交沂曹道兼黃河道在濟南時制府欲墾荒益課徵

行山左右數十州郡督甚急獨府君不可曰承平久地

無遺萊吾不能不為民計也其兼理河務也秋潦暴集

隄且潰府君立其上指揮下壩眾皆奔竄有請暫避者

府君厲聲叱之曰此口直達徐邳足一

移數百萬生靈盡魚鼈矣卒完壩而退

早行岳下

寂寞荒亭斷麗譙空聞落木夜蕭蕭晚鐘破夢來山寺倦馬

隨人過板橋翠黛霏霏圍岳廟銀河耿耿獨星軺丈人峯下

餐霞客日觀天門肯見招

重至歷下

分符憶得濟南遊，湖岳烟光一望收。  
月映華山雙碧嶂，風淪滌水一浮鷗。  
詩人無復邊廷實，稚子能言郭細侯。  
荏苒三年成電影，郵亭落日響簾鉤。

許勉燉

字思晦，號晚榆，海寧人。雍正丙午舉人，官阿迷知州。著晚榆詩藁。

俞賓華曰：許勉燉，選中書出知魯山，歷沁水、陳留、治行，爲中州冠。古循吏無以過也。陞阿迷州，乞歸。子道基，廩學廣西，就迎之粵，卒於桂林使署。

舟過衢州

平生聞說爛柯事，今日看山不上山。  
爲怕仙人棋入眼，等閒

局悞人間

丁翊壽

字日高，號菊潭，長興人。癸子雍正丙午順天舉人，官鍾祥知縣。著枕齋詩集。

賀蘭山紅柳

賀蘭山畔柳千株一色妖紅態獨殊  
衡品可能同絳樹移根亦許近清都  
微雲點染疑丹桂好鳥飛來定赤烏  
說與小蠻心轉惑不妨看碧更成朱

梁啟心

初名詩南後改今名字首存號護林仁和籍錢唐人支謙子乾隆己未進士改庶吉士授編修著南

香草堂

詩集

梁同書行述畧曰府君生有異稟與同里嚴季傳任處泉杭董浦孫虛船陳句山切劇為文成進士選翰林院庶吉士乞假南旋為先王父覓生壙得之葛嶺之原先王父喜甚以其地居葛嶺孤山之間曰葛林園文莊公

召對之次仰蒙垂問奉

恩自長編修在家授職吾鄉詩社自癸亥以後稱最盛者十年每一會率二三十人編袍朱履布衣韋帶之流靡不

畢集社中自顧月田鄒筠谷周穆門金江聲朱鹿田吳東壁屬樊榭施竹田諸先生相繼下世風流雲散詩社

遂已既乃與杭董浦及後輩數人為忘年友相倡和云

杭州府志文苑傳啟心幼警敏號為奇童初浙江岸門

居老屋數椽與弟詩正自相師友詩文意境澄澹憂鬱遠

何斤適于象

卷一乙許勉敏丁卯壽梁愍

七



不染纖埃而又如越

人之醫能隨俗爲變

隨園詩話染文莊公之兄守存入翰林後卽乞歸養其

子山舟侍講亦早乞病使其弟敦書仕於朝一門家風

如此守存除夕約同人遊吳山不果寄詩云何堪歲盡

復遷延夙約都爲俗事率多謝分吟所一席不妨屬和

待明年空山響答千門爆竹日寒迷萬瓦想見諸公

高會處下方人指地行仙除夕云舊賜宮袍聊一著新

頌春帖懶重書晚過山巷云清依

古佛原無夢老笑秋蟲尚有絲

邊頤公自楚州至予適有越州之行歸後漫東

君賁餘杭酒我泛剡溪船亦復何爲者有如相避然一徑人  
秋晚三旬成畫眠相思渺何許紅樹白雲邊

集緇谷亭觀趙松雪維摩示疾圖以東坡天柱寺維摩

塑像詩今觀古塑維摩像病骨磊砢如枯龜爲韵分

得塑字

維摩具上根無苦惱畏怖云何忽示疾瘦比伽楞樹屬有楊

惠之塑像等金鑄後有趙承旨繪事肖於塑遂令淨名相流  
傳入藝圃我還問居士此疾何當去如從四大起四大本不  
住佛說不二門了義元自具無言與辯才何者爲是處丈室  
納諸天香積借一箸彼法絕思議此圖其殆庶妙手開生面  
恍若夢中遇一足小解脫半榻大了悟相見問答時天花散  
如雨我友喜供養合十凡幾度挂以玉鴉文暉以鸞綾素客  
來寂無喧嗒然喪其故逆鼻聞妙香洗心沃甘露可惜畫中  
老垂眉不我語聊作公案畱向佛一呈句

送金壽門之邗江

薦紅零落翠英攢飛絮遊絲盡作團無計畱春且畱客梨園

小部當花看

先一日集桐乳齋觀劇

笑幣用歐陽公初食雞豆詩韻爲寸田作

晚風吹老碧。雞子簇簇排頭滿。湖觜青葢紫葇，不值錢、學得明珠貴。莫擬南人食芡，如食乳白漿。忽落紅瓷底，休笑當年只識酥新剝。故應新浴比乍看，嫩滑浮輕碾。小摘甘香，鬪濃醴樓中煮酒愛。初嘗軟嚼似牛便。老齒夢回清味猶彷彿。舌根不到羶腥裏，未妨茗飲聊作奴。惟有杏酥差繼美，羨爾新法傳食譜。雖不我餉，亦歡喜。明當擇居，免裹糲，綠縐第三橋下水。

南屏讓公山樓看紅葉

夾路霜林導我行。精廬重到眼還明。西來幢蓋虛空現，南渡胭脂點染成。舉酒欲邀殘照在，登樓忽動晚秋情。朱顏凋盡渾無賴，不及楓楠態尚生。

朴山方先生至自睦州卽席賦呈

子陵臺畔水粼粼一夕扁舟下富春猶記後堂容我到不逢  
前席竟誰陳閒徵剩事添詩料笑傍寒花遲酒人白髮尊前  
風義在年年小別不須論

春社日同人展穆門基於青芝塢用皮襲美過張承吉  
處士故居韻

修夜仍看意似霞人生到此重吁嗟墓門短碣題徵士身後  
遺文屬大家社至酒澆新草色春深雨泣小桃花一灣青石  
橋頭水流恨年年未有涯

壽龍泓六十

巷南巷北對荆扉出處吾真愧少微六十頭鬚看尙黑五千  
文字惜長饑身仍乳下嬰兒子名署江干老布衣詩學是君  
門內事二丁聲譽早鸞飛

寒山舊廬孫氏別業也故桐城相國張文端公曾爲題

詩刻石今歸陸芑洲上舍因次原韻奉贈

承鳳岡前占一邱巖花澗草足盤遊卽今甫里聯吟地舊是  
興公作賦樓絕磴晴看江樹迴虛亭夜聽石淙流與君細讀  
磨崖句勝事猶新一散愁

桂堂羅漢松歌

有木似松實非松亦非杉檜栝柏樅毋乃西行摩頂之別種  
一粒飄墮東華東兩戒中間養成不壞體歷千億劫無春冬  
風饕雪虐轉葱蒨後凋勁節與松同綠眉紺髮身手亦撐拄  
虛空具慧力疑是胚胎鹿母生倘教降伏獅王栢桂堂老友  
暫現宰官身詩弟子行半是善知識沃以池心功德之靈泉  
承以階前趺趺之活石共證非佛非菩薩五百尊者變現此

其特松鍼多似恒河沙松影瘦於枯木查寒空一碧恣盤擎  
晉提優鉢無光華卽看偃蹇古潭上霹靂不敢搜蛟蛇南燭  
子黃梅花瞻瓶伴插何紛葩一笑卽憶舊公案正如左扶鬼  
子右攝摩登仰乃恬象教在世每顯設夢中所遇荒忽安足  
誇君不見鼎鼎結子都作應真相直與千男共乳妙用無爭  
差

梁詩正

字義仲號荻林錢唐人文瀾子雍正庚戌進士及

支莊入祀賢良

杭州府志名臣傳

詩正五歲始能言性凝重與兄聯心

隆元年丁憂起用侍直及第擢侍讀晉侍講學士乾

內廷選內閣學士擢刑部右侍郎調戶部右侍郎疏論兵

餉部議從之晉尚書歷戶部長貳前後九載調兵部會

金川逆命故事經畧與大將軍體制無別通考定章渥

自薦祭至凱旋條上儀注載入會典金川告捷加太子

少師攝吏部尚書兼翰林院掌院學士協辦大學士授

吏部尚書十七年乞養歸二十三年丁父憂起署工  
部尚書明年調兵部服闋授兵部二十六年補吏部仍  
協辦閣務二十八年拜東閣大學士晉太子太傅卒贈  
太保謚文莊入祀賢良祠生平居官勤恪門庭肅然遇  
事有執守同官或媒孽其短

上廉其實  
眷注倍殷供奉年久於內監無所交際多憎之

上益以是嘉詩正見  
御製懷舊詩注營預編校祕殿珠林石渠寶笈奉  
勅證俱勒石侍從廣和有矢音集

### 和任處泉同年應烈移居快閣詩

那事支筇挂百錢眼前巖壑足清便常從禹穴探靈笈別有  
樵風引客船倚檻翠飛千頃浪聞簾晴裊半窗烟此間合結  
村農伴量課關心指陌阡

胡彥昇字國賢號竹軒德清人雍正丙午解元

碧溪詩話胡竹軒為東樵先生之孫著竹軒遺詩  
發經訓為尚孜孜不倦有祖風諸書惟樂律表微行世

### 贈山陰童鉅

行行韓退之神仙亦不歡孜孜孟東野天地常不寬當其相  
得時心如距點甘君能鞭苦心而詩非郊寒雖無昌黎薦聲  
名噪詩壇我貧與君同昔曾厠微官十年老賓客不足繼盤  
餐覽君擁絮吟再讀爲三歎寫君梅花照十分得一端援筆  
賡君唱盡日愁肺肝薦君東序間無位良獨難

月夜有懷

空庭如積水荷藻復紛紛把盞有明月仰頭無片雲夜深常  
獨醉人靜悵離羣攀桂一長嘯孫公聞不聞

與視齋訂來年晤期

知己天涯在何妨慙別離怪他廊下吏收爾壁間詩種竹聊  
成趣還書又一癡來春新柳發拂几待抽思

徐廷槐

字笠山號墨汀會稽人雍正庚戌進士  
乾隆丙辰舉博學鴻詞著墨汀詩草



紹興府志延槐弱冠工舉子業名動公卿與年四十舉  
于鄉主司臨川李致也李遠京師義門何焯北面賀得  
人會開制科大吏以名上及試以排律甫同削籍  
歸主茂山書院凡三載得其指授者咸自名家  
越風墨汀為子庚戌同年友性情高曠言語妙天下不  
藉科名為重輕丙辰試鴻博以山鷄舞鏡詩雷同被議  
其實墨汀非不能詩也觀其  
軒轅臺為雖太白何謬焉  
詞科掌錄會稽徐廷槐由進士改教授禮部尚書溧陽  
任公所薦不工為排體試日用山陰王霖之詩為考官  
所糾部議落職然其為人自佳士文章峭刻清麗詩亦  
推落凡近與山陰周致山徐彩至交有詩九首哭之  
其門雖不以詩名然偶有所得輒饒清永余猶憶其郵  
居詩云麥熟童催餅蠶眠婦  
守燈此等句尤真朴有味

軒轅臺歌

我行遊薊州乃登軒轅臺臺空復何有惟見白雲蓬蓬天上  
來飄飄劍場變塵土但餘荒邱百尺高崔嵬黃帝當時煉丹  
處鼎湖蒼蒼暮雲樹神龍俯首來下迎竟逐魍魎向天去小臣

攀髯隨亦昇隨龍昇天杳無期臺下玉女七十二一時化作  
黃金芝秦皇漢武筋骨頑求仙采藥無時閒龍伯垂竿六鼇  
死海波汨沒蓬萊山金銀宮闕忽摧塌至今桑田萬里耕人  
間古來豪傑盡如此燕桂炊珠祈不死黃帝衣冠何處尋却  
在橋山故陵裏天開大隗何盤紆崆峒七聖迷歸途伊誰前  
導升雲衢翩翩兩黃蓋挾之同追趨神芝寶籙身與俱雲愁  
海思胡爲乎神仙之事真有無噫嘻吁神仙之事真有無

余懋棟

字升尹號蘿村諸暨人懋紀弟雍正庚戌進士官杭州教授著蘿村詩鈔捐山樓集

紹興府志懋棟專于經學任杭州學時蘇文忠表忠觀碑以失所在銳意尋求竟于廢圃中掘地得之

### 遊平陽寺

空山正蕭瑟曳杖入秋陰風雨前朝寺鐘魚世外心鳥鳴紅  
樹暗僧語翠微深知爾饒幽趣長歌對暮岑

題李蜀峰知止居

卜築空巖隔徑幽蕭然物外滌煩憂常依仙客烏皮几自製  
山人白鹿裘檐鵲喧呶知雨雪林花開落紀春秋何年得脫  
塵中網長向雲溪伴醉侯

寄鍾暮雲觀察

聞君近卜冶城居掃地焚香日晏如夢裏尊鱸三泖近簾前  
花月六朝餘旁開精舍羅名士細檢牙籤較異書更喜謝庭  
多玉樹揮毫直擬駕黃初

寄楓溪弟

日向天涯念鵲鵲老來骨肉似晨星晚田蕪後歸難卜春草  
愁多夢不靈八口君還依北海一壺我已倦西泠釣磯水漲  
魚方美莫忘溪南舊艸亭

舟回口占

出郭日初上回舟又夕陽水枯雙橋澀木脫半林黃處處菱  
侵港家家稻壓牆鄉村秋事畢寒意滿橫塘

張爲儀

字可堂號存中海寧人思問子雍  
正癸丑進士官編修著寓庸堂集

俞寶華曰爲儀視學雲南卒於道大學士陳世倌嘗謂  
人曰自諸生以至仕宦不改故常者吾所見唯此人而  
已

暮行郭店塘上

日落崦嵫外蒼然暝色橫枯蓬遮岸曲涼葉借風聲徑仄妨  
人過橋危待伴行遙看遠林際斜月一鉤明

贈慈谿楊學琨

楊爲前明萬歷甲辰狀元守勤之元孫聞其家三世  
同居藏書甚富

孤舟獨宿正蒼茫猶喜逢君是故鄉自昔早聞通德里於今  
競說狀元坊百年第宅畱喬木萬卷圖書積石倉他日侯芭  
問奇字會須載酒一升堂

懷俞聚之

時爲蕞寧驛道

檠戟周巡處河山表裏雄雲陰連漠北地勢接天中蟋蟀民  
風古飛狐驛道通遙知保障策應繼昔賢風  
突兀疎槐樹空畱井畔陰淒涼餘我在寥落憶君心日照金  
臺迴雲遮石室陰相期慎眠食歲晚雪霜侵

章

楹

字柱天號芋田新城人雍正癸丑進士官青田教諭著皖雲堂詩鈔三卷

洪羅曰芋田未第時卽名著日下以耳聾降補教諭學問深遠著作甚多家本新城寓居餘杭妻周氏亦解吟詠

薄暮舟過湖州夾山漾遇大風雨

雲苔餘不羣流趨交滙澤國州名湖老蛟作宅巨鼉戴一城  
擎大虧菰蒲驚沙北走篠簜闕滄爲漲浸淩虛無橫耳何翅  
百千頃玻璃綠淨靴紋鋪小舸急棹恐及暮厭厭潑墨沈方  
隅顛風打頭拗折檣迸落雨脚如竿簾進寸退尺何所屈捫  
摸罅漏愁衣柳長年瑟縮不敢呼彷彿冥晦奔天吳是中有  
物窮怪迂大鯤蹙起方南圖長魚負水小魚立鼓鬣爭鱗干  
明珠正爾險絕亦殊壯奇景易失徒嗟吁嗚嗚擁鼻急摹繪  
句挾風雨紛前驅它時出險聊一讀龍腥海氣還噴噴

初遊徑山追次東坡先生韻

我生骨相宜住山歲華如水流長川因緣墮地已大錯低悟  
於世無周旋五峯距我三十里何至判隔如天淵今年決計  
償夙負蠟屐屐孤往登其顛初從魚村縱遠目雲間雙角搖青

蓮到山曲磴歷千級鹿蹊一道微蜿蜒浮圖粘巖勢疑墮欲  
墮不墮依三禪巖上有亂石塔缺齧萬狀然壁立數絲杉蔽  
空障亭午漏景錯落紛迤錢俯看竹尾百萬箇懶雲春陽頽  
如眠羣山東來馳萬驥片墨斜下飛孤鶩須臾落日似懸鼓  
紫嵐赤霧相烹煎歸寮偃息聞梵唄伊蒲一飽殊便便茲山  
佳處畧已盡說詭說幻徒樊然龍湫杳冥未敢探更圖結夏  
來餘年

范從律

字希律一字西屏鄞人延鐔子雍正癸丑進士由庶吉士官商河知縣落第

詩草

袁鈞曰范從律知商河縣有官莊田數百頃募民開墾  
鹹鹺不毛應募者多逃亡浮糧均于他田從律力請巡  
撫奏免歲飢請賑視履被災地籍戶給之立義塾常課  
士署中鄒縣士亦多至者以病乞休家居惡衣菲食日  
以詩文自娛

年七十餘卒

吸江樓晚眺和萬立山韻

穠穠風翻綠微微作浪紋山暝如帶雨樹瘦不藏雲鵝鴨歸  
成陣牛羊下自羣臨流無限意暮色已三分

奉檄分校南閘抵金陵進承恩寺關防八月朔日有懷

### 故山

似仕不稱官似閒亦有俸似屬稀簿書似長煩迎送

江自以  
一員迎

離本署亦兀兀一月來隨班同蘭轡舟車亦關防寸步不敢  
縱行行抵金陵忽忽已秋仲寄跡分僧房千板倍嚴重聽慣  
鈴柝聲青晝無時空小樓障重垣望遠偏遮擁好友隔西東  
茶話誰與其僧徒退院居閑寂止梵諷蕭蕭秋氣悲悶懷憤  
瀕洞合節憶故鄉社鼓方喧闌歌舞跨垂虹舉國狂游衆畫  
舫壓紅粧簾影波紋動緬想風物佳陡覺離情貢人生行樂  
耳浮名宛安用何當老家山既耕亦復誦逢時且尋歡塵鞅



謝馨控懷歸長簡書無由縱飛鞚間道假華胥潛行託殘夢

八月六日偶成

又是高秋鎖棘天偶然觸景溯從前十回官燭依寒席

余自壬午

至癸丑凡四度宮花插舞筵

己酉乙卯丙辰戊午皆與分夜

過眼光陰如夢

寐賞心文字亦雲烟短檠孤館聽殘漏一夜霜華到鬢邊

陶愈隆

字夢黎會稽人雍正癸丑進士官廣東昌化知縣著晴林詩意

注雲詩話晴林詩成丁卯難呼集命後庚寅許讀騷是

因丁卯上元作詩故借用許丁卯不嫌箋巧也晴春

抑王孫草器霧天低處上星亦別有致蓋其生平

晴晴王溪蘭成二家故雖眼前景不肯一筆直寫

丁卯上元

魚龍百變海山鼉照徹天文北極高小隱菰蒲聽夜雨老驅

烟墨入春濤詩成丁卯難呼集命後庚寅許讀騷京國

勞想像蘭釭飄泪首重搔

次昌黎訓張籍韻寄姪宗翰

文章各生面作者擅專長師古惟其是日月懸何傷才大萬  
斛論心精累黍量在昔日先民千載磊落望派別導衆川一  
一接混茫直境百谷王如以一葦杭負聲視風骨秀發交飛  
揚鐵馬踏層冰黃河鼓磅礴幽燕老氣韻沈雄轉蒼涼惶惑  
怪奇恣汗籍持正偃齋澄約六經虎鳳蛟龍翔肅穆蔚簡古  
禮樂器琅琅正似君謨書侃侃高自將得失徑寸際錙銖與  
毫芒嗟余有志焉風流惜蠻荒平生苦辛餘雞肋九羊腸南  
箕張其口北斗不挹漿楚壘困謠詠靈修嫉頃襄老矣跌宕  
悲蕭然謝奔忙丹樓峻明霞夢汝飛頽顏

重寄李睦州

經年入夢舊花汀嵇呂相逢眼更青縞紵風流在東里湖山

清絕話南屏峭寒春抑王孫草霽霧天低處土星不有當時  
能置驛吾徒容易慰飄零

何

熊榜名維熊字叔熊又字太占號一齋錢唐人高雲孫

集滇南紀遊選

竹山房吟案

翁方綱纂註銘畧曰君根柢家訓學有本原歷任歷邑  
於宜山神陽最久其在宜山鄉東蘭州苗種排擲君隨  
撫軍馳入苗寨獲渠魁不浹旬而事解天河民田數千  
畝爭界址至四十餘年君躬勘定界爲結案其在神陽  
清釐積獄修熊熊歷嶺大路續修縣志凡諸邑疑獄  
皆委君鞠焉然卒以寒暑跋涉殫竭心力卒于官

富春江晚泊

青山如畫繞孤城十幅蒲帆第一程落日未沉風力健滿江  
寒色待潮生

同樊榭先生吳南澗姊丈于瑤庚表兄湖上掃春做鐵

崖崖

路入西泠烟靄收峯峯暖翠明珠樓太平時節可行樂少壯  
心情多好遊況復春來九十日直須飲滿三千籌盡拂轉眼  
盡歸去尙有晚鶯啼不休

暮春湖上口占

長紅小白可憐宵一半春光付盡曉日暮遊人歌管歇寺門  
閑煞柳千條

病中感懷

塵土勞人每自嘆愁顏怕向鏡中看病思禪榻孤眠穩貧覺  
豐年負米難案上塵封卜卦硯閨中人試却邪丸新秋時候  
剛流火雨雨風風又早寒

淮陰寄都中諸同學

漫托征鴻問所思燕南越北總差池囊空客有羞歸色路近

家偏喜到遲撲面緇塵剛脫去愁人梅雨正行時只除髮白他無恙預報堂前老母知

重過南寧與朱方吳話舊

牽絲憶昨此停車地近交南氣候差逼歲風雷緣送臘入春桃李反無花監司偶遇俞希旦廉鎮常悲宋永嘉

左江張觀察日塔及

於任萬民古道如君能相吏那堪畱滯向天涯

沈榮簡

字振之號碧浪橋師歸安人三曾孫雍正乙卯舉人

沈榮成遺棄序畧曰弟幼聘題甫解語即呵筆盡之人字宗黨見而奇之長而能文試必歷其曹屢上春官不售卒於揚州棄盡散佚其遺藁乃子坤生拾集而得者

碧瀾堂

溪聲雪霽來澄波渺一碧曾聞樊川叟愛此城居僻作堂洲渚間拍岸晴濶溢分書畱墨妙照耀蛟龍宅想其豪邁時座

滿風流客公餘其俯仰塵襟頓洗滌恍在水晶宮軒窗靜如  
拭玉湖映清影燈光澈瑤席舟移花柳晨幔卷烟波夕勝賞  
列高讌冠蓋聚絡繹情宜賦新詩千載猶膾炙斯人不可作  
勝事感今昔館驛民居稠廬井辨遺跡蓼簇灘頭紅鷺點山  
鰓白颯颯汀風生登閣慕遺澤

王虛舟吏部畱飲恒齋

爲訪如椽筆來尋背郭堂病餘芒屨健言外酒盃狂巖冷  
還積先生有齋書巖齋空秋正涼時乞題秋涼齋額故人不相見遙望水雲鄉

過沅亭三兄寓園次几山韻

不上蘇門山誅茅結淺屋簾捲秋樹根奇書十年讀勝氣籠  
青霄超然鳳在竹心期故人來爾音毋金玉

沈無咎

字子慕號夢華長興人著荆溪漁隱夢華正續諸集

采若編無咎少見逐於後母逐跡陽羨乞食行吟多幽  
絕悲憤之音邑令鮑西岡哀其人且重其詩招之始一  
返故鄉後以貧老死鮑復歸其喪葬諸先塋側樹碣表之

酬邑侯鮑西岡

手拋紅豆結相思孤雁由來絕妙辭落盡梅花山鬼立夜深

猶唱鮑家詩

黃

輅

字乘殷會稽武進士著錦水集

越風黃乘殷與余同官姑孰孰公驛有嘉樹清泉建草  
亭吟咏其下湘筒往來倡酬無虛日偶記其五言如山  
深藏碧獸樹盡見丹樓龍象諸天外山河一氣中瀟雨  
隨歸夢狔風領暮潮地形連塞迥山勢抱城雄望沈虛  
晚照坐久密秋星七言如嶺外梅花長入夢春來江水  
暗添愁店火微明通野燒屋茅屑出捲漁蓑一門將種  
誇猿臂萬里侯封屬虎頭東野宜何前進士北平未起  
故將軍桑海懷看銅狄老逢壺會遣鯉魚還謝莊賦後  
餘殘月庾信悲來見落花皆清華蘊藉無磨盾橫槊之風古詩尤多態度

戈郎佩刀歌

戈郎佩刀如白雪，剗割多年無缺折。佩之繡帶雙紉緇，小尾  
春鵬光皎潔。今朝忽下清冷水，錦石秋沙平若砥。霜霰微聞  
咽水聲，蒼雲已向波間起。風胡不可逢，薛燭多矇矓。金塘浮  
動紅芙蓉，誰知爲劍爲蛟龍。斷髮吹毛千古技，殷血牛蹄何  
足計。腕下應無細碎仇，眼中只識春坊字。天風忽聞耶溪銅  
鼓鞀，躍冶非神工。鬼母夜泣孤生蓬，豐城之氣如長虹。刀兮  
刀兮，乘參雖小龍性在，終恐高飛倚天外。

留別蕪湖舊友

于湖久住忽思家，勝侶分飛雁影斜。惜別一尊將進酒，含情  
兩朶未開花。殘年南陌無芳蹟，舊錄東京有夢華。不待登樓  
始惆悵，錦屏風外卽天涯。

離筵有二  
小俗度曲



蔡

賦

字眉瞻號怡齋德清諸生著耕餘業

朱星渚耕餘彙序畧曰余與數子月爲文字之會始議怡齋詩由三唐入手中年覽兩宋諸家之集乃同轍就之然附汰其粗鄙淺俗之音而不失夫溫厚和平之旨源流乎其可誦也怡齋詩時而分類時而編年蓋爲披沙拾遺各一集

陳焯曰怡齋性恬淡不求仕進酷愛眉山詩文書法並得其間奧晚隱邑之王塵山陽顏所居曰不礙山樓

重九夜玩月寄商農

涼天佳月卽中秋坡公妙論莫與儔今年霖雨過秋半嫦娥不見詩人愁豁然開霽值重九登高嘯詠舒雙眸薄暮微雲斂天末山光凝紫嵐盡收林梢已見半輪上金波徐引中天流清霜未降零露白叢桂將謝餘香畱逍遙散步望空闊漲水渺瀰清光浮此時惜無一尊酒更呼良朋其勸酬人生失意貴無意閒中至樂豈強求清風明月本無盡偶然相值非

相謀同思昏墊如隔世獨行孤詠忘百憂問君此夕空齋裏  
乘興還能上小樓

紀嵇君公美還金逸事

有序

君諱士標公美其字也邑之某里人生平以廉潔自  
勵忠信待人同里有周某者與君非深交一旦病革  
邀君至榻前密語出百金封識寄託君持歸逾十年  
周之子成立君呼至其家取百金付之封識如故君  
子聖符能繼君志託友求予文因作小詩志之

末俗何人嚴取舍先生高義過前賢百金持贈胡爲者十載  
封題尙宛然皎皎生平行不媿悠悠道路信能堅採風誰繼  
歐陽筆一行成編百禩傳

過益井感作

有引

荒野中一枯井相傳是東野舊居至今以孟井呼之  
人笑工詩徹骨窮詩工未覺負斯翁只今廢井無涓滴名與

江湖萬里同

萬承勲字開遠一字西郭鄆縣諸生雍正丁未舉

本朝名義顯勲傳承勲家世襲武蔭自前明時以四忠三

節一義顯勲傳承勲家世襲武蔭自前明時以四忠三

經術史才并冕一時而胞姪貞一先生復由薦舉入史

館修明史武聲稱籍甚開遠其景嗣也貞一先生旋以

論冠明史武聲稱籍甚開遠其景嗣也貞一先生旋以

弱冠舉母喪哀毀為詩歌聲淚交迸久之得論釋生

困歸故里覆巢完卵發為詩歌聲淚交迸久之得論釋生

還歸故里覆巢完卵發為詩歌聲淚交迸久之得論釋生

京師履者知交零落殆盡計無復已得嚴追賸錢重繭走

入關遇故人父子某力援之為完結項事乃寢歸時小除

夜半呼門入父驚喜墮牀下痛既定出無此樂也雍正

母前且泣且笑曰兒郎榮我以告身猶無此樂也雍正

初元年六十以諸生保舉端方奏對稱無此樂也雍正

授磁州牧余時為郎聯合同官交好知其生平最悉開

以詩云孟郊沒後千餘載苦語何人更別裁風雅道衰

無至性海山地大得奇才翻瀾涕淚隨聲出敵骨外霜  
鍊句來竊喜故人還有子編渠白為渠問嘗自謂生  
平時文不如詩詩不如古人  
袁鈞曰萬承勳為言子言知五河縣以罪論死時陝西  
方開贖例承勳任走數千里徧告諸父友號泣稱貧得  
以贖免方奉父歸里而向所上金為吏胥匿去三千官  
中移咨追捕承勳計無所出將自承匿金罪代父死有  
陳坊者挾承勳行望門求援崑山徐乾學素重言為代  
翰其半諸父友復憐金戚之家素貧授徒以養常苦吟  
母憂之故有戚容廢吟者數載父母相繼歿見父遺書  
輒哭母所值樹值花時輒哭里中稱孝子知磁州以慈  
惠稱值河決水及城下日  
登城督視勞悴感疾暴卒

道旁見紫藤花感故大司寇徐健菴先生舊恩涕淚成

詩

道旁紫藤花開落何關事疑昨再三看淚湧如泉水憶昔弱  
冠時走謁徐夫子遇我非衆人館我春園裏中有紫藤花烟  
漫闌紅紫年少寡愁煩對花輒歡喜未幾家禍生乞食頻吳

市夫子予千金救我一家死自知無能爲指天聊自矢願將  
此後身備書其驅使纔解晏嬰驂忽傳尼父諫宿草病年年  
未耐一片紙不期見雨花今日乃於此爾開有定期我行無  
定止上有雙病親動適千萬里負米尙未能何況報知己

陳卜年憐我病軀被難獨行四千里扶掖至京方將竝

詣西安爲納橐計而卜年病作勉勸先歸

煩君歸日過吾廬顏色還應分外舒病父龍鍾親啟戶慈幃  
鶴髮候開書是誰早晚供升斗代我時常慰起居春意卽今  
寒谷轉豈無歡會到庭除

方啟英

字遇春一字特千號獅山義烏人著東園集蜀山前後集絳雪詞古今詩塵一班錄

桑調元傳畧曰君世籍義烏母懷氏苦節撫孤君勝撫  
采隨羣兒入山棘刺膚赤履斑斑然虎至衆皆駭奔君  
既立不動瞪視虎時尤相射虎卽帖尾去弱冠就簡四  
十始爲詩慨工君以營母養學蹻得神解其術奇驗著

一班錄為人抱質幹而篤於義章邑何大尹蔡素未識  
面詰君曰吾去鄉萬里母老以失職負帑若干勿克歸  
奈何君為惻然者久之即出貲并稱貸以完所負酬君  
侍妹及玩器正色却之聲名動上下蓋一代豪士也  
詔不次掄擢山東撫臣及臬司知其人欲以名間君復  
以母老力辭乃例授州同所著書多藏於家子昂為名

請生世

其家學

桑調元歷破三詩人序略曰方氏強年始為詩發聲高  
亮脫去塵科殊含少陵風骨而僑棲動莊易之吟時覺  
蒼涼惻耳三詩人朱令昭次公劉伍寬蒲若與方啟英  
遇春遇春自金華僑歷城蓋參一浙才為齊三士  
沈廷芳獅山集叙畧曰獅山蓋余所甄歷城三詩人之  
一君有義行而隱於醫余初視漕任城得其名及觀察  
左海尤耳熟焉及傳泉濟上時君已下世不獲見其人  
為慨焉太息故取其詩之尤者百篇刻之君籍本金華  
與子復自有鄉里之雅故  
賞其詩尤不禁企其人云

游龍洞

神龍挾雷雨變化寧有窮陰沈蟄潭洞吐氣凌高穹遊者跡

蘇入螺旋躡嵒龍余亦拄藤杖卓險盤幽宮三山陟歷蹇一

兩浙輶軒錄

卷十九

方啟英

三

徑紆廻通窅冥青嶂裊欹側萬壑松摩挲得古碣緣源與初  
終威能攝旱魃詰乃來元豐焉有席勝賞而忘濟世功歸與  
不覺晏樹灼秋煙紅

中都爾別諸同好

荒却故園春天涯寄此身江南畱老客風雨送歸人白髮疎  
慚櫛青袍暗惹塵平生甘淡泊原憲豈辭貧

作客逢賢主他鄉卽故鄉春風芳草綠秋雨菊花黃杖履還  
多興關山滯一方家園新釀熟應待老夫嘗

秋季送弟元輔南歸

有才無命不如閒空向天涯數往還千里關山鴻爪外十年  
踪跡馬蹄間黃花絳葉遲秋色冷雨疎風慘客顏自此歸家  
尋舊業不教猿鶴笑人頑

都門書懷

旅食都門強自寬何須苦勸始加餐  
新交只說嵇生懶舊雨深知范叔寒  
已許藥籠收馬勃不教饒口累猪肝  
行廚縱道無他物未歉黃齏一味酸

王字清

字天一號東塘又號西岫山人浦江人雍正己酉拔貢生官靈石知縣著北遊錄觀光錄學製錄歸

田錄匿藏編自鏡編

載殿海曰先外祖歷知河津芮城趙城靈石諸縣所至有政績士民懷之晚歸林下詩草外別無長物

夏日卽事

衙柳青青日正長清閒官舍類禪房  
詎憐枝上黃鸝語恰喜堦前白芷香  
拂案有琴聊免俗繞籬無鶴恐分糧  
午堂退食吟成句雲護槐陰過短牆

王炳

字虎文一字勉夫鄆縣監生蕭岫吟



感懷

長年不出門因有田數畝努力事耕耘食力計長久飽從辛  
苦來樂自太平有秋賽報年豐官租辦數斗有餘不易錢間  
日多釀酒親友偶相過便列蔬與韭將此田間物會此田間  
友

暮雨登樓

長天漠漠溼雲浮一半韶華已過頭深院簫吹清夜雨惜春  
人倚杏花樓眼前何地堪埋恨湖上誰家喚莫愁記得管弦  
成爛醉去年今日在揚州

書懷

采毫素紙漫塗鴉才拙常慙手八叉字縱老蒼無定格詩雖  
清苦不成家連宵枕上愁聽雨二月街頭喜買花顏色已傷

同老婦逢人不復闕鉛華

送袁近齋赴都候補

江上高吟送別詩  
山花灼灼柳絲絲  
君行會有榮歸日  
我老應無再見時  
身後事惟良友託  
眼前愁豈外人知  
春風如睹湘梅發  
驛使頻煩寄一枝

張元彪

字肇炳號虎文永嘉人雍正己酉拔貢

溫州府志元彪自幼器宇凝重學識宏深父式雷素多病及令海康順道迎養尋以親老乞歸迨父沒日夜啼泣致成膈症其抵官也於城外飲陸公泉賦詩以勵志在任多惠政丁巳秋颶風為災海堤壞乞命者不下萬人元彪請發倉以賑府不可因奮曰必報可而後賑則民轉溝壑矣專擅之咎某自任之不以累公也遂散賑中丞嘉之元彪工古文詞兼善草書著有家鑑

歲暮寄懷侯夷門

歲暮羣芳歇清瘦寒潭月  
潭月照孤影含情念離別  
驂驪傷

踟躕驚馬行超忽淚滴黃金臺金盡淚成血我折嶺頭梅君  
踏燕山雪兩地正相思相思渺難越

宿楊溪寺寄懷嘉定陸葦軒

適耳惟天籟妙言無古今泠泠吟風鐸交交語春禽殘夢忽  
已覺臨流一披襟松老無佞骨花飛無住心濯纓雪竇寒晞  
髮雲巖陰違世機事淺從我道味深故人在天末短髮不勝  
簪旣幸網羅脫旋憂瘴癘侵

次日午飯山坳小寺

刺水秧鉞綠滿田山坳小寺石橋邊蒸花已熟坡翁飽春草  
初生謝客眠酷暑羊腸愁粵路秋風鳴嘴憶吳船何當去議  
餐松法黃石家傳信是仙

同王穀原遊江心寺歸飲池上樓次韻

窮海休嗟旅鬢殘，芳重上謝公灘。潮移塔影雙龍動，霜度鐘聲十月寒。斲盡春工江樹老，照空塵網佛燈闌。等閒借放乾坤眼，赤縣都浮水一團。

一嚴啟煜

字玖林，號夢灘，歸安歲貢生，官永康訓導。著竹香山房詩集。

沈德潛曰：玖林嘗言昌黎昌谷雖非詩之極至，然鍼砭庸熱，廓清之功，真乃比於武事。又言二昌乃吾死友，今披其集，皆和平中正，無詰屈奇詭之習，豈善學者不求形似耶？

畱別吳門諸子

背花寧待管絃終，歸臥雲林半畝宮。世外漁樵有真趣，山間鷄犬盡淳風。采松袖染秋岑碧，擣藥窗畱夜火紅。他日皋橋明月裏，故人應共念梁鴻。

汪紹煜

字燧南，一字鶴桴，秀水貢生，官行人司行人，著金陀吟藁。

水亭獨坐

地近園林新結廬梅花招我步徐徐非求不得始安分無事  
可爲惟讀書閑喚小童調白鳥少畱餘粒啖紅魚與酣長嘯  
忘歸晚松竹蕭蕭月影疎

農家

孤邨一望樹扶疎樹裏蕭然見草廬花辨春秋無用歷家惟  
耒耜不須書兒行隴上驅黃犢船放溪邊捉白魚試問風塵  
行走客此中氣味竟何如

葉之洪

字石水號待堂平湖監生著寒碧山齋詩集

翁嵩

年曰讀待堂古體詩如蒼松翠柏堅勁可

愛而

又工於咏物近體諸詩無一不盡其妙

陳焯

曰待堂與弟笠亭皆以詩名所著寒碧山齋詩集

陸太

史奎勲爲序太史南還感舊云五字唐音妙入神

三升

魯酒見天眞江南何處無芳

卓絕

憶風流鏡閣人爲待堂作也

錢仁

榮曰待堂少負異才從陸閣學榮游與孫眉光沈

季友

輩有蘇門四學士之目陸載崑倡洛如詩社皆其

弟之溶  
與焉

陸坡星之豫章用康樂體畱別和答

送子遊章江秋氣正蕭爽人向玉山行舟自蘭谿上豈無鷗  
羣念未斷停雲想子去興自佳何以慰吾黨

登蓮花峯絕頂作

攜得驚人句來登最上峯層層削紫玉步步瞰奇松人在蓮  
花瓣雲穿佛面錦山中竹名佛面可爲杖青天祇尺五何處問仙蹤

葉之溶

字笠亭平湖諸生著小石林詩藁

錢仁榮曰笠亭少與兄之洪齊名學使李清植以人品  
端方薦雍正乙卯舉博學鴻詞省試被放士林惜之著  
小石林詩古文長短句小石林  
文外列國考年號考廣輿摘韻

孤雲

碧空流片影獨立意俱閒偶爾風吹斷相將鶴馭還林中一

聲磬天外數重山便有懷人處斜陽早閉關

帆影

落霞兼暮鳥歷歷送連檣十幅亂江水千山餘夕陽乍飛高  
樹杪旋臥畫樓旁便擬收帆處朦朧月色黃

新鶯

客睡何曾到五更江南處處早聞鶯陰晴天氣將三月楊柳  
東風第一聲無力交飛剛出谷多情小立正含櫻攜尊未許  
幽人聽贏得遼西遠夢驚

新柳

誰家少婦正凝粧忽見東風翦綠楊舊恨未消千里別新愁  
又弄一分黃爭誇有眼能窺宋漫道如眉欲畫張莫待風流  
顏色減滿天飛絮斷人腸

曹庭棟

字六圃號慈山居士嘉

梧門詩話吳孟舉刻宋詩百家鈔近日嘉善曹六圃庭

傳復有百家詩存之刻余亦從四庫全書中鈔宋人詩

百餘家皆孟舉六圃所未見者六圃著產霍亭詩大似

北宋人過趙若通故居詩云淩遠芳草亂啼鶯高臥俄

驚蟻月更春雨連初小巷永賣花聲逐賣魚聲梅花渡

云香雪消殘烟草平鷺行橋畔呼鶴鳴小軒易地聽春

雨寒瘦一枝特角廣錢詩農別墅云一生心事只烟蘿

壘石疏泉小結窩鶴去不還梅亦老綠涼坡下草痕多

六圃居東園有佛阜錢戶著書三十年所坐木榻穿而

復補又於城北門外里許築生塋旁架屋顏曰永宇溪

莊續贖陳梅成林黃璋有句云樹穿佛

阜跌痕隱顯藥梅花手植多亦是紀實

隨園詩話嘉善曹六圃少宰夢懷之孫隱居不仕自號

慈山居士自為壽藏不下樓者二十年著作甚富余愛

其晚年佳句如廢書祇覓心無著少飲從教睡亦清病

教揖讓虛文滅老覺婆娑古意多詩真豈在分唐宋語

妙何曾虛刻雕余稱其詩專主性情慈山寄札謝云老

人生平苦心被君一語道破屢招余往而竟不遂其願

卒已八

錢仁榮曰六圃中年後絕意進取杜門著書時或彈琴

賦詩寫蘭石摹篆隸以抒其閒叙之抱嘗於所居累土



為山環植花木奉母以娛名曰慈山因自號為慈山居士著有易準孝經通釋逸語昏禮通考琴學內外篇宋百家詩存產鶴亭詩集

孟勤入都口占贈行兼示焜姪

阿咸兩載隔音塵客裏逢君應倍親若問老懷近何似一春常作送行人

張安絃字琴父號青嶼烏程人著青嶼集存

宋文藻曰謹案張安絃所著青嶼集存四冊不分卷寫本未刻經浙江中丞採進總錄舉其集中送燕一詩謂安絃授徒以老其自傷無家亦可悲矣恭閱欽定四庫全書別集存目稱其文以才氣勝而喜事塗澤詩則音節疎放未能磨礪圭角

送燕

節屆秋分社事忙送君前路入蒼茫年年不作無家別半在他鄉半故鄉

字公衡號鶴友烏程人  
著雪水甌集白適草

樓上集鶴友所  
居乃宋懷也

不忍遽言別知君鄉思深從茲一分手何處覓知音離恨滿

船月歸程萬里心成都有美酒未必過南潯

字炳衡歸安布衣德至  
次子世鈺弟著浮湘集

風吹過玉成塵我亦披圖恨轉新今夜西堂打窗雨雨聲難寄夜望人兩家詩並見題圖墨蹟

南昌書懷

步險頻驚上瀨船到來又早月初弦遙遙廬岳雲封樹  
晶晶宮亭水拍天畫角聲沈荒驛雨子規啼破碧谿烟  
自從王粲辭家後總少安心一夕眠

好鳥呼羣本一枝江湖短翼忽差池可堪孤枕聞雞後  
不是聯牀聽雨時未墜詩書還易守將衰門戶轉難支  
偶過南浦神魂贖無物能分遊子悲

姚世簡

字象九號樸夫湖州府學生著藕汀詩鈔

茅屋

茅屋半山半水生涯一鉢一瓢睡起鶯啼綠樹歸來月滿魚

初

屠

庶

字培之鄞縣諸生著蘇亭詩略一卷

屠可播蘇亭詩略跋畧曰府君自少與里中前輩鹿亭  
等亭諸先生講求聲律之學及壯歷游燕趙間不事雕

飾亦不自矜貴晚年始從舊篋故紙中親自檢閱僅得如千首署曰蘇亭詩畧又旅館秋懷詩三十首

### 已酉歲暮自青陽歸里

歲事催人到處忙國門相見幾星霜老妻喜踐三年約稚子驚看五尺長斗酒乍開花露白盤飧仍咬菜根香祇愁未盡團圓趣側目天涯又一方

余

崢

字元平號高妙山人山陰諸生

崢著清風草堂集兼葭亭詩鈔  
越風山人性情如寒巖枯木詩自其人當其思入杳冥  
遂覺跡無畦町劉彥和云詩有恒裁思無定位若山人  
豈有恒裁耶

### 咏淚

江山不語看人多甚欲無情奈淚何不見英雄回首日漢王擊筑楚王歌

### 揚州

烟花歌吹浩無邊回首揚州絕可憐  
小杜亾隋兩春夢曉風無賴又今年

俞永思

字鶴岑山陰人著港山存鈔

流德潛曰鶴岑集中讀十六國春秋小樂府似齊梁人  
錄口比說亭三國小樂府轉見其古花神廟詩殊大雅  
越俗六陵懷古得義山詠史神骨登小蓬萊眺海作有  
王孟風味秋蟬吟鳴秋意在離卽之間孝娥行一結尤  
能傳出昔人心事餘俱細潤合度

春日過花神廟偶題

往事崔園且漫論  
寒幃無那欲銷魂  
日斜幡影下虛壁  
時有杏花風到門

秋蟬聲同吳九聽山

病羽含秋思  
長吟起莫愁  
風迴黃葉渡人倚  
夕陽樓策馬誰  
來聽囊琴我自畱  
因思玉谿句清韻共悠悠

同呂荇塘王綠庭家商喬繡山勗再自馬鞍坡登小蓬

茶眺海遂與獅厂如上人茶話

邀侶入翠微中途獨延佇耳畔松風喧時帶樵人語雲開見  
海門隱隱辨沙嶼飛仙渺不來相攜更誰許

竹塢人跡稀山僧尙知客遠攜茶具來共此林下席微風落

松子流雲漾谿石坐久自忘歸非爲塵襟釋

陳

梓

字俯恭又字古銘號一齋餘姚人著剛後詩存濮川詩鈔

經典府志梓少讀書有大志工書善詩詞隱居事親雍正甲辰舉孝廉方正辭不就居臨山聚徒講學以布衣

終老

見亭詩話作詩須知鍾鍊之法餘姚陳俯恭題夏菴山云河濟江淮波浪息辛壬癸甲別離多周王廟云掃除文武千年業成就春秋一部書范蠡祠云廟得玉成西子力負他金鼎老臣身曹娥碑云捐軀少女隨嚴父題背申郎誦外孫皆新警雅切

插花歌

贛陵俗尚瓶花有專爲富家主其役者歲得錢萬計

種花不如插花好種花人多插花少插花人巧奪天工百瓶百樣無雷同豪家軒宇羅供養水晶玻璃罍洗盞梅花蘭菊松柏荷風光四季占不多要令邊徐折枝畫合欵成圖八窗挂誰誇能事插花仙歲博青蚨幾萬錢我來借問插花者眼中興廢知多寡去年堂上繁蕊紅今年冷落生秋風今年堂上衆芳燦昨歲罍空塵滿案人間榮瘁了無憑高岸爲谷谷爲陵歲歲開花花不惡只恐插花瓶折脚

種菜

長鑱良可託膏雨沃根深慘淡斯民色艱難老圃心霜甜豚臠味土薄蠶休侵誰使英雄懶終年抱甕吟

黃石公祠

墮履偶來呼孺子幾回圯上故踟躕一樵不誤非奇士六籍  
都灰有素書豈是神仙矜狡獪爲他劉項賴乘除功成辟穀  
長揮手願與赤松遊豈虛

吳江阻風

颿颿丹楓岸荒荒白雁天一篙當逆浪看盡順風船

醇夫新闢小園奉東

東疇閒立數歸鴉林下清風晚興賒隔港載沙鋪石逕比鄰  
乘雨送梅花藏書樓敞雲充棟洗研池寬月貫槎獨樂不嫌  
朋舊數可容日日扣籬笆

鄔希文

字亦范號松巖餘姚歲貢生著亦吾廬詩草

姚江詩存西林鄔公以一應命首被激賞

奇才異能鄔于一應命首被激賞

越風亦范工文章善琴畫亭亭玉立贊居吳門曾爲予



乾隆丙辰應制科余贈以詩何人陳掃迎門雪看  
爾新銘克敵弓用周必大洪景伯應鴻博科事  
孫度曰先生晚居吳下愛潔成癖詩  
畫之外焚香鼓琴有倪高士風致

涉江

盡攬長江勝全憑一葉舟  
龍銜初落景雁帶已涼秋  
世路原非險吾生自歎浮  
滔滔千萬里赴海總東流

秋雨

枕上聞疎雨猶疑墮葉聲  
離離殘夢盡黯黯暮愁生  
暑簟棄還戀寒衣裁未成年年感指落蟋蟀莫先鳴

秦淮水閣

嫩金宮柳好栖鴉  
絲雨無聲濕杏花  
十二闌前春似水  
秦娘船到正琵琶

四月八日梅溪招遊靈巖漫成

肩輿攜入翠微中一線羊腸起伏通塔遠影搖三面雨鐘疎  
響逗半巖風壇間期是沙陀戒天上辰開兜率宮好請琴臺  
高處望五湖無恙伯圖空

張有涵

字聖澤一號安劣老人金華諸生著安劣冊小集

雜興

密竹浮朝曦稍稍弄圓影匹鳥鳴相隨及此幽居靜旦起步  
階除務閒覺晝永莽芽雨前輓輶汲修綆坐久枕衣眠白  
雲山半嶺

夜來疎雨滴萬綠稠南原園公薙遠燕引鋤候泉源徑草測  
餘碧生意紛然薺叢木嘯孤葉隔墅風來喧意愜本非有理  
析了何言

潛鱗戲澄泉興到時一躍山人老住山忘却山中樂物性本

雨浙輶軒錄

卷十九

張有涵

三

自然人亦各有託久乃與之俱妙處曠莫索昨歛故人書踐  
我石泉約呼童掃前軒候諸天一客

橋東石硯硯下有寒泉流綠樹暗清浦孤邨居上頭時見有  
遊人飄飄泊扁舟濯足石墮澗褰衣風滿樓日昃曠忘歸驚  
起雙眠鷗鷗飛窺不極片月懸如鉤

金華竹枝詞

花布衫裙高髻衰踏青時節女兒忙溪頭十五羣回顧說采  
蓮花不采桑

盛杯老酒妙於鮮漫說金華斗十千社鼓聲聲家釀熟沙灘  
水賺杖頭錢

築溪頭開竹關千茉莉花開雨不乾一夜東風香撲鼻隔簾  
人喚買珠蘭

許

焯

字醇夫號慕迂海寧人汝霖孫雍正癸卯進士官編修著學稼軒集

俞寶華曰許焯為禮部尚書汝霖孫太常少卿惟模子

命往

官編修時會直隸大水率保定督賑駐雄縣數月活飢民二萬餘戶邑士能文者求謁因材教之供億餽道悉為屏絕嘗作詩云問字有紀實也旋以母病乞歸遂不出

送倪南琛

師孟乞假歸養

三旬風雨駐征驂預數歸期樂事諳紅藕香殘辭薊北碧芹  
幾老到江南洞庭秋屐山含翠笠澤春帆水帶藍白髮堂前

青瑣客綠衣真覺勝朝衫

翁運標

字雋上號夢野餘姚人雍正癸卯進士由桐柏知縣歷道州知州

姚江詩存先生性至孝以父客楚不歸時方弱齡感慕無已及成進士即與兄運槐徒步往尋歷數寒暑竟得

所葬

金陵晤王孟亭太守

四十專城早立勲投簪歸去謝塵氛  
喚回梁苑繁臺夢許結  
閒鷗野鹿羣崔嵬虬鬚人未老  
孫登鬱嘯我先聞  
藩車小市  
成前度何處重逢左阿君

何玉梁

字韋江號樟亭錢唐人喬雲子雍正

癸卯進士官編修著賢鑑堂詩集  
蔣溥墓誌銘畧曰君爲主政會園先生季子童時卽有  
能文之譽與兄瑾栗同以詩受知于西河毛先生有  
何氏二童子詩序載西河文集康熙甲午舉于鄉雍正  
癸卯成進士改庶吉士明年甲辰充北關鄉試同考官散  
館授編修預修  
大清一統志丙午秋又充鄉試同考官保舉御史方列薦  
贈聞母病耗遂告終養歸掌教紫陽書院君精舉子  
業揣摹家得一言指示昭若發蒙羣奉爲圭臬焉

送呂友荀歸蕙江

草草送君憶去年去年握別小寒天  
今年又送渡江去二月

新鷺楊柳煙

陸汝欽

字恪庭平湖人雍正甲辰進士官渚  
潭知縣改温州教授著澹兮吟藁

錢仁榮曰恪庭令湘潭以清操自勵及教授温州兼主  
東山書院郡邑士咸樂育焉憂歸需次家益貧喪殯或  
不繼而杜門  
吟誦不輟也

錦石卽事

岡陵互綿亘水田更參錯遠火出林梢新月映冰萼筍輿度  
陌阡僕夫愁彳亍茅簷東復西星散少聯屬溪橋水涓涓路  
轉見墟落棟宇頗櫛比聊可息行躅山居枕江流篙聲斷還  
續穀賤喜年豐風淳陋俗薄肱篋尙時聞有覲司民牧

夏光豐

字大田會稽人  
雍正甲辰舉人

越風大田詩名與丁廣文芝田相埒同居題扇橋之旁  
柴兼山所云巷北惟一柳橋東有二田者指此也鄉薦  
後屢困公車賁志以沒遺詩甚少有溪魚小  
躍驚山影沙鳥低飛避櫓聲一聯膾炙人口

河渚吟

我作河渚吟遙情滿河渚扁舟蕩漾隨素波驚起飛鳬暗中

語春山窈窕碧黛橫蛾眉始拂玉鏡清一溪宛轉入雲去千  
巖萬壑松風聲晚向橫塘刺船入桑麻斷處開原隰野嶼陰  
陰雨氣寒衣袖濛濛露華溼正是春城三月時芳草落英輕  
點雪樹頭黃鳥紛可聽坐對青山不忍別記得田廬在水西  
此間卜築宜幽栖他時父老重來訪莫遺仙源處處迷

胡師亮

字仲率餘姚人雍正甲辰舉人官內閣中書

### 金山寺

再宿裴公洞悲風入夜號月痕寒老樹山力敵飛濤衣薄層  
雲冷天空一雁高更深船不渡蘆荻白蕭騷

戚振鷺

字我雛號晴川德清人雍正庚戌進士官江西撫州知府著晴川詩鈔

何元錫曰晴川由青陽縣令官撫州守以事戍軍臺期滿赦歸居官清峻絕塵屢以循績報最而性嗜吟咏燕寢凝香饒有韋蘇州風味詩亦蕭淡相似寒第一集作于戍所絕無噍殺之音可以見其格韻矣

寺夜次西椒韻

竹樹陰森梵宇清  
自添栢子燕殘更  
五溝落月印孤榻  
檐隙射風吹短檠  
帆影颺竿時自轉  
山鼯窺客動還驚  
香林寂寂迢迢夜  
呖啞荒雞乍一聲

園蔬次櫟園韻

小山東畔草堂西  
蔬圃勻勻翠甲齊  
風雨吟邊分早韭  
酸鹹味外試寒蠶  
閉門事業烟三迥  
抱甕生涯水一畦  
蕉萃十年空浪跡  
故園荒盡不成蹊

元夕次中丞韻

介節因之故國情  
燭花偏傍客愁生  
一年此夕月初滿  
萬里春春醉易成  
海澱南頭燈作市  
上林西畔火爲城  
癸酉上元寓居南海  
望西原烟火元明如畫  
前塵髣髴還堪記  
坐燼銀荷直到明



餘齋寄寓僧房庭隙牆陰徧插楊柳額其前楹曰種柳處紀之以詩爲和三絕句

獨布琉璃坐碧城傳來好句似陰鏗生憎灞水橋邊樹只向

關河管送迎

好憑欄檻供吟賞莫向關河管送迎餘齋自題句也

老去愁懷水不如忘情真笑白尙書崔琴駱馬渾閒事剩有

楊枝忍放渠

白下啼鳥翻夕照紅橋細雨颺烟絲蘭成無限鄉關思盡在  
攀條不語時

圍火

甕爐雜眠坐地火夜深紅煖氣通毛髮朱顏借老翁附炎同  
熱客得過學寒蟲軟語殘更裏團圞樂慰轉蓬

許道基

字助宗號竹人又號崔齋海寧人雍正庚戌進士歷官戶部郎中廣西學政著春隄吟冬隄吟粵吟

靡至

吟

隨園詩話許竹人侍御題路上去思碑云君看去思官  
道石深鐫鐫不到人心足補白太傅咏碑之所未及

發沙河至邯鄲

叢臺南去滏河涯轍跡依然感歲華鴉曳歸雲籠澹日葉銜  
餘雪點平沙聰明碣泐墓陳薦紫氣原荒弔趙奢猶恨星軺  
催短景一亭香韻失梅花

梅花亭勿  
勿徑過

邯鄲蚤行漫成

病餘貪朝睡不知紅日高頗怪十日來獨醒常先朝敢云魔  
退舍良以身習勞昨夜星斗落鷄鳴聲膠膠客心惺然覺我  
僕局其寮自樂鄉黑甜不愛游逍遙我生平行役陳跡踏趙  
郊昔往楊柳依今來雨雪驕簡書豈忘畏衡尺况累邀寒有  
春在留暗有月在霄倦有氣在骨夢有神在臚敬慎踰巉巖

忠信盟波濤萬里寸心矢百年一日要矧伊平旦頃轉令昏  
惰撓我僕莫辭瘁出門駕星輶不見文章宿爛然炳南交

西平鹽

西平鹽遂平鹽誰司轉運淮南兼淮南鹽貴砂土雜竭錢買  
土寧淡食羅灣水淺淺如無羅灣以北食長蘆長蘆價色民  
稱便計程百里越一縣悍民挾破丸泥封愚民趨利如蟻從  
相載制艇橫白日奸吏受賕官不詰往來歲月莫誰何奪及  
婦女驅牛羸罪貫旣盈上官怒草薶禽獮悉力捕法在不貸  
俛無辭初時嘯聚鹽之故巨梟雖去竊負紛陳陳滯引煩處  
分權司也識西遂苦特假一郡蔽全楚恐蘆鹽過汝私販滋莫淮鹽蘆  
鹽輸賦一汝旣便蘆蘆亦得不然少貶淮南直

十六日曉發

欲明未明首征途村徑曲窄疑有無蟾蜍聞白遲金烏須臾  
赤現海上珠岸柳餘綠岸草枯山腰淦淦朝雲敷頂光欲突  
青糝糊恰如金核承晶盂總成一幘浮雲圖行人穿樹入雲  
去豁然雲路開雲車

驚得石樹凶問慘戚填膺恐父驚傷飲泣而已雜述不  
復成吟

百日無家書殷憂事非吉百日前有書已非病者筆長者寬  
遠懷微言道汝疾曰瘖則甚矣而精氣不失強飯扶其羸良  
醫效厥術余顧日旁皇琉璃本脆質况非風雨侵苦吟心嘔  
出亦有危而安天意憐百一降才既特殊忌才寧忍必危倖  
併一心夢寐往來密盼得平安紙滿堂歡喜溢今朝鵲鳥鳴  
嗚呼生事畢

望書眼欲破拆書手欲爭把書心忽亂隔書字忽明書汝婦  
翁筆令弟字前橫草草無寒暄倉卒具以形揮手急屏置忍  
淚雨四傾豈不究歿日歿日徒自驚老親中庭立念遠心懸  
旌病訊百計匿矧可聞哭聲違心方飾貌哀抑喜且盈趨言  
夢弟至所患行已平

高陽有文史遠近咸指目及觀逢時具往往多模屬吾弟肄

及之唯唯意未足驚人豈驚奇博奧三古讀經緯軋仙機幅

湊轉暢轂十三學駢儷武庫仗無獨集左氏類對十四爲哥

詩楚騷命奴僕借錄詩話以裁縫到淵明集陶四十一律斧鑿

滅昌谷病昌谷出以夷適方其孤詣時難易與天觸情乎驅

思迷若然义手速風前長短吟倚拍自成曲學書不屑意恍

步米家躡覽衣雅善騎探丸中鳥目多藝衆所矜逸才兼擅

夙本事舉業文沆瀣鮮蘭菊澆灌彌醇腴咨賞均文俗大小  
三四試新礪無一皿世貴明堂珍天種崑山玉自古誠有之  
誰謂此非福

平樂試院古榕步大人韻

不是槐安郡濃陰審雨堂枝橫低翠羽門掩澀銀簧曉破庭  
中暗炎侵葉底涼不材聊見用文杏已全荒

遷江道中

暮雲作山形正與暮山接微有白青痕渾連高下躡此中定  
清寒步虛容躑躅伊余踰南蛇炙日背汗浹忽過清水江宛  
轉橫一葉板穿船頭驚礮震馬尾憚四野大氣蒸急雨征衷  
裏鬱懣怒益騎酸臂未止筵半焦苗杲杲欲墮鷺跼跼吁嗟  
一日事形神豈相攝游目此雲山如夢得寧貼行近路忽分

山城閣雉堞方丈蓬萊耶舟至風引輒

貞烈卜夫人墓

在陸川縣萬丈坡明知縣瓊山張子翼妻入關犒賊猝至夫人登陣集民

守禦城陷罵賊陞樓死邑人立廟祀之

萬丈坡高去天尺一縷寒光出坡脊訴天天泣回悲風散作霞丹沉血碧吁嗟妻道臣道同可憐妻烈死臣忠三年寒宦勞于役一日孤城代有終何處妖氛突封豕烽入重閨拔劍起登陣酒淚集遺民墜閣畱骸待夫子瓊海茫茫渺故園聊憑螺髻駐魚軒靈旗莫颺千秋恨星落軍前五丈原

武昌漢陽詠古

橫槊臨江滴酒卮龍吟虎嘯魏家詩灰飛賸湧寒江月板拍眉山絕妙詞

黃鶴一去不復返鸚鵡能言死亦輕千載鳳凰山下客關前

日日聽雞鳴

雜詠

抱閣凌虛迴畫圖翠螺清漾玉盤盂等閒莫作巫山看送盡

春風不怕孤小孤山

青山綠水風月主苦竹黃蘆淪落人峯下草堂江上曲不知

歌泣竟誰真香巖峯

發燕子磯

煙浦藏舟對畫橋禁持別淚話殘宵

徐子硯亭過訪共宿曉風忽借春

帆力啼鳥一聲過六朝

過儀徵追和繕部叔祖鑾江感舊韻

護軀漫說衣龍油放纜長江兀未收瓜步古衝南北路金陵

昨過帝王州空聞寶劔沉胥浦愁見黃鸝上戍樓勝事可憐



觴詠處當年已是未同遊

繕部於邑署起觴詠堂  
余王子歸舟臥病徑過

春申故封

黃公嶺下古專城千里雄都寵巨卿  
四子爭豪移楚祚三千  
養士失朱英君山翠遠遊人集申浦  
春深野老耕可待過墟  
生太息當時桑海本無情

孫

灝

字載黃號虛船錢塘縣人雍正庚戌進士由翰林  
歷官通政使司通政使前都察院左副都御史著

道鹽

齋集

陳鴻壽曰余交先生從子同寶道公歷任中外每隨分  
自盡不立異沽名而指注精審居臺中時多所建白有  
見諸施行者如籌裕鼓鑄整肅官方矜恤滯獄酌減佃  
戶租糧等疏嘗以清慎勤三字自矢而清尤表著於列  
當楚藩落職及學差任滿回京幾至不能束裝行道之  
人皆知之平居無他嗜好退食之餘惟坐誦行吟以自  
怡悅篋笥所有獨富於詩其得之屬車豹尾間者有  
出塞後塵等集若平日所作有道鹽齋藁數十卷  
咏撲滿

西京雜記鄒長清遺公孫宏撲滿一枚因寓書示戒  
曰撲滿者以土爲器以蓄錢具有入竅而無出竅滿  
則撲之土麤物也錢重貨也入而不出積而不散故  
撲之士有聚斂而不能散者將有撲滿之敗而可不  
戒與云云唐姚元崇有撲滿賦

有物工斂財厥功利搏土名卑貪夫愛質陋良治侮守口深  
難窺吸箕仰有取六州鑄錢思一竅穴金隄形模偃鼠微罾  
腹怒蛙鼓幣納周景千瓶投漢銖五情聯方兄親算用姦女  
數挂杖看阮孚繞牀詫夷甫滿籬笑遺經長袖比善賈豈意  
欹器危不堪墮甌撫唾壺缺一朝玉斗碎終古混沌鑿忽開  
膨脝脹何苦速刪錢神論大戒皿蟲蠱盛滿厲所階脂膏怨  
之府苟懷焚身防或較噬臍愈東閣平津侯西京媚臣祖故

人託諷規忠告敢傾吐布被飾清聲金門踐華廡廁名兒董  
儒發跡羊豕伍撲滿何心哉寓言不無補

壬子監試豫闈卽事

三歲賢書達

帝畿中天奎壁日騰輝蓬瀛

特遣詞臣出珠網珊瑚照省闈

森沈棘院鎖重重爽塏初更瑞氣濃鼓吹聲中聽吏唱萬人

鵠立最雍容

貢院上年改建適新落成

送周春圃之甘州

金明池上春草青梁園昔夢如流星江邊握手思樟亭剡溪  
夜雪君揚舫南船北馬竟不停年年書劍其飄零坐閱晦朔  
翻堦莫與君聚散兩葉萍天涯相見誰所令翩然佳客來寒

廳舊雨廉纖撲疎櫺短檠重翦燈青熒友生風義等鶴鶴古  
處直欲師先型春風惱客花冥冥陽關四聲不可聽馬櫪蕭  
蕭指邊庭大馮使君才發剛幕府辟書苦丁寧居延絕塞雄  
垣屏弱水導源禹跡經焉支山色如媚姪紅鹽飛雪堆瓏玲  
我遊三輔探嚴扃惜哉但涉渭與涇朝那西望無修翎壯君  
萬里身伶俜狹我眼界成焦螟

送王錫梁臣之聞喜四首

自汝遊京國人傳宅相名冰寒休似舅珠朗見吾甥茶銚清  
談夕書帷雜誦聲無端揮手別惆悵渭陽情

四門新入坐六籍舊爲儒太學何蕃首諸生賈誼殊金臺騰  
上駟花縣傍仙鳧却負緇衣好憐才二大夫

大司成陸公鳧  
川少銀臺陳公

何山皆招致賓  
館以晉遊不果

冰泮桑乾路單車幾驛過冷陘燕鎖鑰故絳晉山河

聞舊今隸絳州

草覆湖圉址雲連涑水波王郎才磊落懷古意云何

此去膠投漆吾知地主賢門牆森玉樹篋笥檢芸編照影雙  
桀對隨身一硯穿白頭思大父雁字幾行傳

汴城開渠浚壕紀事

并序

汴城周袤二十里烟井萬家又四方商賈百貨之所  
填溢而城中向無水道每積潦沮洳道不可行居者  
苦之環城之壕半就堙塞水之導而下者復無所宅  
歲在癸丑今大總制王公周闔相度謂宜開渠浚壕  
利我汴人爲上其狀於

朝許之於是萬夫騰歡畚揭雲集不數月而工成公旣  
勒諸石予從襄事之後賦詩一篇恭紀我

皇上保惠黎元之

聖心洎公愛民之績告於汴人且以申汴人之思焉

汴水源出大周山京索須鄭來赴之東流一支別爲蔡古之  
漕運千帆移趙宋故都河穿郭水門上下流瀾瀾至元以來  
就堙塞鴻溝蕩蕩車轂馳灌城賊訐自明季沙壅土積高累  
壘大梁城中十萬戶四達之衢九達達千輪蹄走百賈集魚  
鱗萬瓦紛參差泥中積潦苦漫漶水無歸宿將安支環城墜  
壕久淤澱空有其號無其施黔南公來急民事大召僚吏告  
有司此而不圖困土處具爾畚揭宜毋遲譬如人身有脈絡  
血氣隔閼四體虧溢者欲疏淤欲濬上奏

天子條其宜

九重恩沛

詔曰可吾

皇保赤垂洪慈城中之渠利用鑿涓滴入地曲折隨十三橋  
乃覆其上千四百丈長有奇四門掘壕數且倍衆流輪寫奔  
奇陂匪惟導水水有宅兼豐物產饒生滋紅蕖綠芰雜蒲葦  
魚鰕螺蛤隨取資其旁植以萬條柳其下拂拂風徐吹汴人  
額手拜且舞遂告訖事書之碑我聞水利首六府火金木土  
穀兼治以溝蕩水瀦蓄水町防規偃王政遺魏有史起善用  
水前召後杜人俱思河渠溝洫古所志師古不泥宜權時汴  
蔡故道那可復漕運四渠亦奚爲但令去患收所利疏鑿最  
是關蒼黎金水之河到城下浚溝彷彿迴淪滄節宣竟使水  
歸壑登陴曠望心神怡從茲作息戴

高厚歌詠

聖澤流聲詩

奉和董浦冬日遊光孝寺原韻

敢紅落衣襟脂車日轆轤清夢庾嶺梅故人海天闊打門尺  
素書驚喜出房闌新詩纔到口秀韻欲侵骨陳侯耽覓句論  
交蛩負壓把君五字吟示我剡藤滑蕉花荔子鄉六榕誰所  
菱虞苑訪訶林王園舊禪窟羣賢得領袖一身雜仙佛言尋  
贊公房清池帶林樾泠泠枯木音幽幽妙香撥冰炭忽入腸  
寒鵬偏毛髮恟恍境難畱徘徊情未竭雙增蓮花臺天寶年  
可核鐵色苔蘚深字形圭角刷金紫中涓貴姓名幾殘闕可  
憐僞漢銀失險粵山屹蓋海鼓洪濤游魚尙濡沫金像俄銷  
沈昌華久蕪沒空餘六州鐵千秋壽頑碣寶界頂初高降王  
膝終屈悲風增鈴語低眉佛不曰我昨淺扶胥揚舡片帆歇



木棉紅正然珠江綠仍醲地關南朝寺天剩古時月安得范  
子遊壇影風旛拂

陸

峻

字際唐海寧人冒高姓仁和籍  
雍正庚戌進士官竹溪知縣

目疾平復次杭堇浦韻

清虛却礙片雲遮  
鍼石難除半點瑕  
不信交光迷正色  
直教幻影亂空花  
吹噓大氣涵神水  
磨盪元精受月華  
我亦靜參龍木論  
方應肘後未應差

林玉藻

字玉田號秋佳海寧人雍正壬子舉  
人壬申年七十二賜國子監舉正

題周了閒寒山白雲圖

昔人作詩如作畫  
停車盡日楓林下  
君今作畫如作詩  
白雲相看無盡時  
白雲還山日晚晚  
蒼煙一抹詩情遠  
結廬只在此山中  
安得蕭閒如乃公

沈廷薦

字尚友一字上猷號澄懷海寧人翼機子雍正壬子舉人著見山堂詩草

水仙花

瑤華愁絕寄山根霧鬢風鬟帶雨痕彈遍湘絃波月冷暗香低引玉梅魂

張南英

字北學一字渠西平陽人雍正癸丑進士官襄安清平知縣著中亭集

瓠州

漢艦湘帆路幾千朗江川色接蠻天神巫歌曲傳司馬客嶺風烟送謫仙水暖溪魚多布陣春深山蕨早擎拳城南猶記萊公井到此何人飲勺泉

陸嘉穎

字大田號恂齋仁和人雍正癸丑進士官至詹事府左中允著恂齋詩集六卷文集八卷

黃模曰恂齋先生祖諱堦文章孝義冠一時學者稱梯霞先生父諱豐字杜南經義號鉅手先生少承家學根抵深厚能詩古文癸丑成進士出桐城方先生望溪之門經學著述必與商推而後定嘗論周官精義手書多

兩斤曾年錄卷十九陸峻林至藻沈廷薦張南英陸嘉穎

平數十反每語任香谷曰文未經陸基見余心猶覺未  
安也其推重如此與弟秩俱有聲詞垣晚年名譽益尊  
出其門者皆一時瑜亮

### 太學觀石鼓歌

何年天鼓鳴齠齠大星盡質邠岐原光景墮地化爲石五五  
綴合鐫于圓橢圓不須四足安考擊猶可空中懸有盈欲貫  
孔未剡無柄可持搖亦難旣非啟勢韞人冒豈有掌鼓矇師  
專神物聚會定有用十鼓羅列紛團欒姬宗中興粵若宣內  
修外攘王路平南平淮夷北獫狁壯猷方召名聯翩明堂朝  
賀燕天子展也大成非虛言大蒐岐陽講武事日維丙申忘  
歲年左驂旛旛右驤驤秀弓簇簇射獷狁汚汙汙繫被淖淵  
或陰或陽徒御掀其魚維何皦皦鮮魴魴鯉鯉鯢鯢鯢之  
楊柳舟流連雜以應鹿雉兔間員員獵獵宮車旋君子永寧

無後艱命尹吉甫作頌傳詩成再拜鋪九筵文奇語奧儷二  
雅吳太史籀書之丹良工鐫刻體變蚪騰蛟躍龍翥孔鸞號  
曰獵碣配九鼎卜年卜世東西瀍陳倉獲石雄雉斑其聲殷  
殷光燭天圯上一卷授黃石夔門八陣陳散關石文大討曹  
已滅涼州五石唐未刊此鼓歷年千五百無人收拾埋榛菅西  
都賓主談弗及憑虛安處無稱焉馬遷網羅竟遺佚相如亡  
是徒詆調三輔有圖可証失西京雖記誰何剛中郎鴻都刺  
三體子雲奇字換太元博物不聞茂先識禮堂亦少康成箋  
神憑鬼守十忽失其一如玉擯埜珠投湍豈惟虞褚歐陽賞  
墨妙韋郎杜老歌行先昌黎大筆尤卓犖畱諸太學永不刊  
後來作者蘇最好歐與張李均爛熳諸家好辨如聚訟齋堂  
誓說尤狂顛敢笑歐九讀書少不厭趙君持論繁漁仲惑於

秦斤權升庵作僞章十全概從棄置不復道且謁聖廟觀琪  
璠入門十鼓列左右小碑旁立文釋潘一鼓飛上箕斗邊幻  
形春曰天杵聯每鼓封以泥一丸珊瑚碧樹沙磔攢恍若魯  
鼓薛鼓文脫漏補亡訂闕無因緣日西裴徊不能去廟堂禮  
器橫秋烟玉堦欄楯石斷裂惟此屹立不動安如山自非至  
聖大神力詎免敗鼓增長歎吞之不可袖不得惟有低頭下  
拜呼頑仙吾交何蕃官博士欲使爬剔垢穢還舊顏更須小  
築一亭予甲乙丙丁磊磊陳其前羅紋紫玉細椎榻裝潢美  
錦標牙籤識字有愧劉貢父作賦差擬周伯溫來春丁日大  
合樂四金六鼓聲喧闐輝煌路鼓鼗鼓側掩映雷鼗靈鼗偏  
我

皇文德超義軒兩堦千羽舞萬天璧離賁鼗奏坎坎鸞旂芹

藻聆咽咽至樂無聲神可格母乃石鼓高匏絃煥乎奎壁振  
文采爛兮杓斗驚芒寒雖無四百六十飛鳳集或有三百二  
十驪珠蟠終防六丁下攝取玉女一笑列缺吐火轟天門石  
不能言但搔首寧共尼山木鐸千古萬古存長歌縱筆削常  
語未暇援据魏晉唐宋遼金元

楊式玉

字元白一字崑臺海寧人  
嗣震子諸生著崑臺詩稿

題許繩武雪莊漁唱

白雪吟成夜氣清蓼花深處一舟橫  
碧簫吹上城頭月恐有仙人跨鳳迎

陳世倌

字恂齋海寧監生  
著紀遊小草一卷

宿丹陽城外

舵尾江南二月春紅鐙綠酒總愁人  
明朝便看江心月誰問

天涯旅病身

沈維基

字抑恭號心齋海寧副貢生官至延平知縣

俞寶華曰沈維基雍正壬子副貢與父廷薦同榜

題畫

遠浦雨殘紅葉瘦晴沙秋老白鷗肥不知烟水蒼茫裏向晚

漁船幾箇歸

俞棠

字省原號甘村海寧監生著荆南燕臺鶴城等集

桑調元曰甘邨為寧遠令良模第三子其詩五律精蒼老練熾嶠嶠劉城屹不可撼七律尤渾灝流利借徑于宋而超躍入唐情韻並佳纏綿獨絕

春暮書懷

春光來去水東西物理蒙莊那得齊過眼烟雲成舊迹逐時花月入新題事如馬角原難望路似羊腸最易迷芳艸繁人

歸思切子規何事柳陰啼

作家書畢有作

旅况書難盡鄉關路復賒去時憑雁足到日燦燈花砌冷蟲聲急窗疎月影斜夜來成遠夢飄忽又還家

俞班筍

字震霖號玉亭海寧監生

同許西峯史遠沙訪拙菴上人分韻得微字

訪道來香積僧房靜掩扉坐看春樹遠不覺晚風微梵語兼鐘動歸雲挾鳥飛風幡搖颺處覓句悟禪機

周逢吉

字罄宜號澹軒海寧歲貢生官遂昌訓導著平昌集

海寧州志孝友傳逢吉少好學弱冠儼於庠爲文根柢六經同里前輩范默菴驥張瑤圃華共稱異之晚以歲貢授遂昌訓導諸生毛儀南等通賦縣申學使者將除名逢吉捐俸代輸五人得開復成感激泣下訓諸生以程氏分年日程爲法文風丕變聞母疾不待批允徑歸上官將以擅離職守罪之郡守曹掄彬力解得釋廣文



素無終養例自  
此遂著於令甲

思親

慈闈逾八旬薄宦遠千里憶昨捧檄初吾親輒色喜揭來每  
思親晨昏不能已堂前繞孫曾雜沓進甘旨解釋倚閭憂真  
樂無過此亟須賦南陔飄然歸故里

校刻綱目發明畢偶成

史學能將經學參儒林舊數尹堯菴紫陽自有功臣在合繼  
春秋作美談

俞鴻發

字旋吉海寧人  
著楓落吳江集

晚秋懷王月三

秋後風光展畫圖荻花楓葉掩寒蕪故人此日應相過重醉  
當年舊酒壚

俞元任

字莘陽餘杭歲貢生著星溪自怡小草

俞廷掄曰先大父莘陽府君歲貢生家徙壁立世守青  
趙授徒鄉塾以終後以廷掄官編修與曾大父念和公  
均得地贈如例

晚過烏鎮

烏戌村邊路蒼茫獨客愁燈從煙際出帆向雨中收閒犢眠  
籬角歸鴉噪樹頭浮雲起東北何處有高樓

鮑廷堅

字虞臯號虹川餘杭諸生著懷謝山房集

巨硯石與柘村明府雄飛雪子初堂同賦

山以石室名巨石懸中厠巉然凸奇峯結根本孤秀將崩故  
未崩細乳蒼苔溜疑從混沌初踰此搏象獸壁立撼晴空巖  
雲千點瘦峯巒芙蓉青斑駁野花繡薜荔絡其腰松菌倚其  
肘下可坐百人寒心危若覆好詩振蕩吟天驚秋雨漏何處

忽飛來無煩說靈鷲

王起鵬

字翹如歸安拔貢生官清湖

詞科掌錄歸安王起鵬翹如陝西巡撫滿洲顧公所薦  
雍正庚戌子下第將歸時翹如方以廷試來京師朝夕  
過從有和全謝山韻送子二首又武進楊煜曾吾三在  
吳眉菴少司馬座上陳太史蕉窗歌韻送王程敦炎官  
官清湖詩云和風福拂春明門我友欲住王程敦炎官  
熱屬肆驕蹇火輪匝地成燒痕蕉窗小集最幽雅爽如  
新沐翰朝暇無一方淨緣照四壁竹牀藤簟樓冰魂驚前  
垂柳館離恨無計結伴尋花村三年契闊各持誦兩地  
鼓鼻時多噴服官少暇知爾瘁挾策被放慚吾憎吟壇  
酒社盡間寂此座屹若靈光存醉餘欲舉排天閣窗開  
尚在誰爲捫一錐莫辦倚地軸雙翻欲舉排天閣窗開  
主人擁獨坐不軒不冕師儒傳雙談詩刻燭燿清醅放眼  
一任渾河渾長篇短句日投贈鄴架五色如雲屯我來  
不厭百回讀慎慎嗟賞忘養殮欲呼王郎共啜玩征車  
一去如追奔五天邊縹緲見雙鴛日下躑躅憐孤豚莫因  
憶我損懷抱五夜問擊秦人盆燕雲渭樹各千里千盤  
鳥道迷網緼我欲窗下獨宛轉此心如卷連朝昏渥南  
夢覺本無鹿豕豈復收作靈蛇吞君持辨香謁師座汝南  
月旦高評論且期再來共  
兩丈相與促膝傾芳樽

和全謝山韻送杭堇浦二首

燕市悲歌憶漸離  
客愁無賴又臨歧  
黑貂雖敝猶存舌  
青雀將歸已放眉  
晚色郵亭籠短帽  
秋風江店冷殘卮  
憑君別著新詩卷  
好去窺園當下帷

西子湖邊舊主人  
荷香柳影總比鄰  
潮聲夜雜窗前雨  
木葉秋添澗底薪  
寸草且將娛白髮  
三年姑去避紅塵  
畫船蠟屐閑來往  
更著陶家漉酒巾

陳敦讓

字志禮平陽拔貢生官長寧知縣著南雁山人集

下瞿塘

瞿塘天下險  
沉復挾秋濤  
入地驚雷疾  
翻天白雪高  
孤崖看似馬  
巨艦走如刀  
千里江陵路  
清猿處處號

送彭湘南之淮安

翩翩公子舊綈袍  
湖海逢君氣轉豪  
衡嶽秋雲名漸起  
漢江春雪曲彌高  
司空夜識雙龍劍  
別駕新傳一佩刀  
握手天涯成遠別  
他年淮北憶旌旄

潯陽懷古

吳楚中分一水長  
江州風景半蒼茫  
琵琶聲斷青衫老  
廬岳僧歸白社荒  
無數亂帆投遠浦  
一行飛鷺傍斜陽  
蓬窗坐對孤城晚  
惟有殘潮入枕涼

姚世鑑

字豐萬  
歸安人

朱文藻曰姚豐萬年二十三而卒與兄炳衡皆不永其年丁龍泓題夜雨圖詩所謂雙蕤玉樹幾經春者是也

杼山雜咏

陽崖招提境  
盎盎氣常苦  
煉藥迷炭紅  
白煙裊一縷  
暮延月入幃  
曉放雲出戶  
十枝五枝松  
老綠澄四字

溫問

浮梁踣冥壑自昔涉者利上下縛女蘿時時滴空翠山樽載

古查未酌情先醉欲別不忍別悲歌越林寺

黃浦橋

老桂綿冬春偃蹇蟠幽谷青紫色各殊淨綠媚遠目胡牀雜

坐眠屏除絲竹肉秋風一夕生紛紛墮金粟

桂棚

周

雲

字雨孚又字伯台號衍溪仁和貢生著宜園雜稿

查昇傳畧曰衍溪入試棘闈不售與顧爾裘施展唐洪受茲沈英千及其同堂弟二溪人稱棣鄂堂六子衍溪善書法又嘗學聚于閑園論詩又嘗學聚于閑園

懷洪台山時在家叔池陽任所

洪子池陽去至今猶未回選樓應作賦秋浦定傳杯古迹常

游遍離懷且放開淹留非本意叔也愛君才

立夏喜雨

夜送春風去朝迎夏雨來鶯聲猶未老榴蕊亦將開石上藤

兩浙輶軒錄

卷十九

姚世鑑周雲

癸

蘿澗花間蛺蝶迴園林塵俗少敢惜醉新醅

蔡朱源

字止韶號雪鴻仁和人

寄裘義門

曾約清秋醉鳳山仲冬猶自客郊關事無定數元難料人到  
中年豈易閒行色不離流水外鄉心常在蚤梅間破愁此夜  
還無賴高詠樓頭月一彎

秋夜東懷蓮峯開士

樂行苦住一無憑事俗生慙百不能得酒且終今夕興將詩  
題與故園僧板牀大被眠聽雨竹屋西風冷看燈秋到短籬  
鳴促織耳根唧唧喚愁增

許旦評

字聖來仁和人

秋曉登湖樓

幽賞續殘夜清吟倚斷烟蘭舟人盡醉柳岸月孤圓花氣矜  
新雨霞光媚曉天幸君同妙境佳處有詩傳

戴

清字問渠

碧谿詩話問渠居良山俞家橋邊屋與水門對有遺詩  
數冊曰海上吟曰棄餘偶識日只可自怡悅曰消寒艸  
曰新春雜占曰香外更無春咏梅三十首也  
無子家無業儒者吳丈西林索其全稿藏之

懷鮑步江張石帆

爭傳張鮑詩無敵歸卧南徐一草亭偏爲品泉畱客住獨憐  
鼓瑟倚雲聽江聲夜走寒沙白山色晴消宿雨青都是懷人  
憑眺處蒹葭秋水隔前汀

書懷

放懷天地卽吾廬雙足塵埃總自如選友好添名士傳問心  
少讀活人書新詩滿帙閒編次濁酒三杯悶破除只恨故山



歸未得十年踪跡隔樵漁

胡龍友

字宸籍仁和人  
著蕉陰書屋詩

山居

漸少區中累獨于山有緣誅茅隨地勢疏水出天然靜可開  
書讀閒惟掩戶眠更謀栽筍蕨快意過年年

孫

松

字冬秀  
仁和人

九日野竹菴懷王丈曾祥

秋日懷人易斷魂可堪無酒滯祇園晚鐘沉響摧紅葉細雨  
斜飛叫白猿憐我偕僧依古佛羨君賞菊閑閑門難忘痛飲  
從遊侶秉燭頽然清話喧

姚

炳

字彥輝休寧籍移家  
錢唐著葦谿草堂集

銀杏樹

在報國  
寺前

古寺參天樹連捲野殿陰興亡猶在眼榮悴自無心

志載樹無心

碧葉風霜勁銅柯歲月深兒童隨野拾零落滿平林

得翰如兄訊知自粵東入桂林志慰

秋風萬里蚤裁書此日新來雙鯉魚桂嶺雲生天更杳藤江  
霜下瘴初除歌聽蠻曲銜柳酒詩寄湘帆轉棧車遙憶關山  
重踰越夢回池州乍還還

嚴

垣

字金門餘杭人沈會  
孫著武雲書屋詩

思歸

夢裡還家豈是還晨雞喚醒更茫然心如乳燕遲秋社身似  
鰥魚夜廢眠母病三旬游子遠妻亡一載旅魂牽便思乞得  
長房術忍畏長途緩着鞭

汪士桂

字森遠一字  
生原仁和人

兩折蒲千綠

卷十九

初離吳孫松坡病嚴垣汪士桂

至

碧谿詩話生原先生大父自歙遷杭業饅遂占籍爲仁  
和人遭父喪爲同業所欺家遽貧與兄事繼母盡孝母  
勞勩臥疾未辨色卽苦飢先生時方幼冲持孟適市購  
粉餌之類有戴翁茂齋者往往見之感其孝且誠招至  
其家任以事先是尊人當予人金其人力不能應會先生  
越二十餘年始得重酬悉以歸所負其人且服生之  
攻醫療治疾愈得重酬悉以歸所負其人且服生之  
古義流輩或笑以爲愚弗顧也外舅康翁上征幕遊寧  
夏所積脩脯遠莫能寄召先生往攜歸悉畀內兄未嘗  
有所侵其取予守義如此寧夏之遊途中經過名蹟遺  
晚賦詩甚夥卒年踰七十卒之先預示期及期謝沐端  
坐遺訓數語不外讀書務本子婦抱幼孫旁侍呼之曰  
小孫子汝來送我乎命取二果與之瞑目而逝子三人  
長諱紹熙字子敬仁和名諸生貢成均幼孫名受璿字  
長珍郡諸生今與余並屋而居者也先生治易通其理  
於醫著生原醫學讀本十餘卷併詩稿俱散佚今所錄  
詩皆附見

### 渡黃河

行狀中者

晚行滎澤縣下馬渡黃河天上水來急滔滔湧大波一帆纔  
數里曲折幾回過不雨沙常濕無風浪自多人情翻覆者到

此更如何

岳王墳

忠孝英雄絕世無岳王墳廟在西湖當時若使誅秦檜不過

凌煙一畫圖

薛國秀

字廷章又字楓山晚號梵村居士錢唐人

尊聞錄余與廷章交垂三十餘年廷章家故有園池亭樹之勝又愛藝鼎圖史古器皿凡出以示人皆精妙無匹有奸之者則舉以相畀不吝惜嗜金石文字明窗淨几筆精墨良往往臨摹不倦

秋雨不止

桂花高下翬天香風雨淒迷氣不揚四序久知同逆旅雙眸猶祇戀秋光身心縱覺馳求歇景物難忘遷轉忙何日摘居齊木石證來安隱是良方

金惠磨

字沁源號新亭慙客錢唐人

兩浙輶軒錄

卷十九

薛國秀金惠磨

尊聞錄先生抱道自高不樂仕進邱園養素酌醴燔枯  
此焉自足晚年獨喜與余往來余乘小舟訪先生于郭  
外坐水觀樓看山邀月日夜不厭樓上供大士銅像焚  
香誦經晨夕稽首如老僧服則讀書賦詩為樂數十年  
來積成卷帙不輕示人余會受而讀之其腴美如飮梁  
肉其清芬如茹苦茶飲茗汁神氣高邈境界遊覽不盡  
如入千巖萬壑中不可指某水某邱為佳勝地今年四  
月入日為先生七十壽辰余贈詩云幅巾杖履愛經過  
古寺城東隱薜蘿浴佛怡逢天氣好逃禪差喜梵音多  
米囊花鬘俯千觴櫻笋廚開日正長吟罷新詩還自壽  
不勞陳語誦如罔巍然一老典刑畱今雨堂前記舊遊  
四壁無塵山入座一間如畫水明樓魚我無心辨是非  
雞蟲得失早忘機耆英會裏  
風流客錯認年華是古稀

### 長日遣懷

夢中全是覺全非脉脉傷心見者稀  
風困林花和子落雛成  
梁燕背人飛名流喜著高簷帽末俗偏憎大布衣  
妻解辟疆身織屨於陵有李可同歸

草堂今雨荆園居客散門前獨晏如  
私喜羣公方有轂空慙

賤子出無車螢飄入戶占何驗鵬上承塵誠不虛一片多情  
深夜月案頭照見絕交書

瓶儲直恐廢饔飧稍繼春炊勿復煩偶爾羹魚因結網有時  
採菽向中原好風惡我來虛牖夜月窺人到小軒會得此間  
佳趣否不妨傾倒與君言

門巷居然處士家肯將蕭寂換紛華健兒不用誇身手餘子  
何堪挂齒牙偶寄懷人吟夢草閒拈綺語仰空花官情見說  
甜如蜜怪底蜂王解作衙

顧玉錢唐

清波小志顧玉者操舟之人也家盤芝寺側其父善琴  
玉幼習之父亡奉母以居風晨月夕放舟湖中撫琴自  
樂其時金衢道梁公萬禪雅能琴適在湖夜泛聞琴聲  
移船物色之與語喜其樸樸且知其有母贈以金焉玉  
嘗作藥花引云云玉蓋  
孝子也後母亡玉亦歿

蓼花開兮湖之秋兮蓼花落兮湖之涸兮念我生之頭白兮

與蓼花以朝夕兮嗟有母而無父兮徒自傷其孤露兮蓼兮

蓼兮子誰告兮

許宏祚

字貽豐號玉沙錢唐諸生著漱石草堂詩

水蓮集諸生著漱石草堂詩  
徐是齋先生督學黔中延以校士遂因例薦舉任滿始  
放行僧遲例經停止竟不得官資志以殷年五十有三  
自其爲秀才時身材長入九尺腰大十圍聲如洪鐘每  
試鎖關門未啟序立行輩中昂然傑出顧盼自雄雖頂  
儒冠絕無措大氣味讀書作文冠其儕偶議論古今事  
侃侃不肯少屈家貧無立錫地膠口不言一日至夏葉  
冒館舍高談闊辨葉昌爲置酒款洽各與王丈性如  
其之自巳至酉極飲大醉王沙宿葉昌齋中明日余猶  
病醒未起聞欸扉甚急啟視之則三人者翩然而來復  
邀至其家賞桂再飲比同王沙歸入戶再不出余與王  
夏兩君徘徊花下不聞人聲呼王沙詢之則家人不舉  
火兩日矣余乃探囊中得白金半兩付之市飲食仍飲  
至三更而罷月色轉佳玉沙猶不忍余輩別去行歌相

送二三里然後分手明日葉昌遣伴餉之白米一石  
歸報某方握筆苦吟桂下邀飲詩尚未了若不知絕  
為病者其家人亦不聞交謫語其推子捧書琅琅誦  
不見索飯門東之樹墓有宿草猶挈尊罍招余與王  
昌死王沙哭之慟墓有宿草猶挈尊罍招余與王  
墳土前拜奠哭泣莫畢席地共飲飲罷復大哭已又  
飲內動肝腸外揮涕淚所以感知已之難逢痛疇昔之  
殊遇也歲乙巳學使者蒞陵彭公維新奇其才招至幕  
館分俸為其長子完娶後受貴撫青河張公之聘纂修  
黔省通志雍正壬子鄉試猶席帽青衫隨少年諸槐花  
又復黜落鬱鬱逾月一病不起玉沙至性純孝篤于友  
誼前就聘禾中義學館東修之入可得百數十金問友  
人章性前被讒急謝館事徒步送其家人至京師流離  
辛苦不憚遠涉至維揚囊無一錢吾友薛君廷章與某  
少同學乞之自金五兩然後得行至某處再貸以達  
于都玉沙學問醇正搜輯名人文集手抄口誦不暫輟  
又輯古今閨秀集若干卷考其人文詳其里居姓氏各立  
小傳以表其潛德著漱石草堂詩文集男其獲輯而藏

咏柳絮步占五梧庵韻

落花為伴水為隣隨雨隨風送好春輕逐飛塵爭客路軟猶



挾纈寄邊人，吹來常滿紅。  
花鋪墜去偏宜白，氎巾生長長條。  
知別苦，願同車馬渡關津。

戲柬翰夫徐明府

牆頭紅艷暗飛香，猶似身居近洛陽。  
採盡含苞銜盡粉，一春蜂蝶爲花忙。

贈沈蒼鹿先生次元韻

時余省試被放

歷盡江湖老始歸，一生才命兩相違。  
腰無長物何妨瘦，家有藏書卽是肥。  
鬼膽儘教奇語破，奎光常挾彩毫飛。  
詩名自足傳千古，休悔毛錐計盡非。

憶章信周戍粵西之柳州

邊徼無端動別愁，南黔西粵水分流。  
雁書有恨憑誰寄，雞卜雖神莫妄求。  
大吏可能憐逐客，孤臣猶許葬鄉邱。

近得家書知緒堂先

生已于去冬歸葬投荒萬死君休悼贏得詩名繼柳州

顧士敏

字精功  
錢塘人

沈梅敗青燭遺稿曰顧青燭先君子晴山公文字至交也居同里朝夕往還各以道義相砥礪與至則銜毫賦詩互相酬倡青燭方神灑散恂恂謙退君子也年四十餘卒無子一女適方氏子名九韶字鳳儀號堊山善詞曲有錦香亭傳奇行世與先伯兄菴町爲莫逆亦能詩後潦落老病以死亦無嗣

病中晚眺

手倦妨摹帖心閒擬賦詩坐當山紫處直到月黃時晚氣秋林重炊烟小戶遲病中何所樂得句遂忘疲

還書

林景日夕見霏霏滿庭除清興不可過爲借東鄰書東鄰無人讀積案總成虛我將一披閱頓覺塵俗疎如何會心處翻在掩卷餘所恨日催索咀嚼不自如物各有常主送之還舊

兩浙齋肝錄

卷十九 顧菴

五

居顥言珍重藏勿使飽蠹魚

陸名輔字左之仁和人

碧谿詩話名輔曾祖階字梯霞祖豐字杜南父嘉穎字大田名輔遵例候選知縣嘗修江西南豐縣志

游山

行到山高處寧知第幾層  
哀猿啼晝夜獨鶴住邱陵  
路盡看流水雲深見老僧  
此遊同五岳攜杖興堪乘

龔培學字敏叔仁和人官婁縣知縣著慢亭詩集

周京曰先生官婁江特殊有西山社笏風致而於民事又汲汲若不逮其心實欲有為於時襟抱浩蕩不承逐風塵為隨世就功名者揖讓而無所用白發為詩歌往往見其隱衷曰一編吾道貴三選俗情疎曰落落欲澹問風俗良可馴有心哉其良宰歟

顧光曰敏叔為念倫之弟雍正己酉用永福令婁樹榮薦劾力兩河授婁縣知縣調吳江未赴任卒

江行禊詩

卧向滄江歲幾周又隨賓雁去南州歸耕未遂棲遲計投老  
翻成汗漫遊細雨帆開京口路暮雲山隱海門秋中流擊楫  
渾閒事遙指波心點點鷗

京口

潯陽渡口繫行舟楓葉蘆花映晚秋遷客已成千古恨西風  
猶送一江愁烟凝暮靄山山暗鴉噪殘陽樹樹幽淪落天涯

何限事青衫不數白江州

潯陽

程

潯

字于大號萊洲又號又

程

但往來鄉塾無所指南間從東髮受書即有意聲律之學  
規矩遠解塗鴉逮弱冠後貧同趙壹骨似虞翻開歷多  
程之句不意遂成詩識數十年來吟咏頗多繩墨絕少  
古云詩以言志祇自道其窮愁鬱抑之情以是有全  
子山危苦語半為東野強歌篇之句是豈足以言詩  
哉誠乃形其而無用之物也名以駢拇誰曰不宜

遊岳墳後山題僧壁

春風吹雨六橋西武穆祠前碧草萋愛踏青山雙不借笑攜  
白墮一偏提溪雲擁樹藏僧舍野竹敲風縱鳥啼到處清幽  
堪憩足多他老衲乞畱題

遊范公祠

閒過勾畱處城西得勝形半分湖水碧斜傍曉山青春色餘  
三月棠陰覆一亭恩波流不斷俎豆自宜馨

贈張家寺智水上人

卓錫東來近碧滿脩然情思託林巒高吟對客推齊已朗鑑  
知人是嬾殘上人善相術開落門前花不問榮枯世上眼情看獨

將淨業精修處生鐵牀邊坐卧安

邱

峻

字晴巖仁和歲貢生  
著地盡集珠江集

東郭

稻塍桑陌綠雲連東郭人家景物全雞粟啄餘馴五母魚萍  
咄後破千錢衣縫女布新辭織疋結農蓑舊着肩最喜提壺  
沽晚市明朝勸灌話便便

### 冬菜

學得東坡半畝耕腰鎌歲劓幾千莖恐傷生意畱心在細切  
香根帶雪烹不羨尊鱸張翰味還差羔酒党家鎗庖人會得  
腥羶去勝嚼梅花氣轉清

### 椰木嶺

縣縣

鳥送肩輿花送人奚囊一路染香塵兒童水角魚爲戲樵父  
山腰艸作薪門第風光沿晉宋叢祠俎豆半汪程旗亭小憩  
茶方熟盡說松蘿采早春

### 卽事

松下哦聲到下春竹爐催喚整黃封二三子興惟詩健六十人豪爲酒濃菜把門生聊作供花光天意獨子豐放翁可惜因官束楚北川南無定踪

吳邦煥

字紫亭號丹巖仁和人雍正甲辰舉人歷昭化知縣

錢泰階曰丹巖居官方正廉慎徵糧令民自持槩量各攜羨米去建臨江書院文教蒸蒸官九年不名一錢士民感德建坊誌之

遊煎茶坪

握衣上高坪突兀見山脊誰人施大斧懸崖削成癖凌高目屢眩溪雲四圍白嵐翠滴征衫清氣到筇策樵境不可尋人語烟林隔暝色上山腰倉皇促歸客